

# *Go AMOGELA TSELAYE E FILWEGO KE MODIMO MO NAKONG YA BOFELO*

 [Ngwanešu Carl Williams o re, “O dira bjang, Ngwanešu Branham?”—Mor.] O bjang, Ngwanešu Carl? Gabotse. Ke a le leboga. [Ngwanešu Williams o bolela le phuthego, “Le duleng, ka kgopelo.”] Kgoromeletša setulo se sengwe morago. Go lokile. A ke ya ka? [“Ee.”] Hmm! Yona še.

<sup>2</sup> Gabotse, ka kgonthe go bose go ba morago ka ntlong ya Morena, bošegong bjo, gomme gagolo yo ye, ka gore ke bile le monyetla wa go gafela ntlo ye ya Morena, nako ye nngwe ya go feta, ge Ngwanešu Sharrit wa rena yo bohlokwa a agile lefelo le, gomme re le gafetše go Morena bakeng sa tirelo ya Gagwe. Gomme ke mo go botse go ba ka ntlong ya Modimo nako efe kapa efe, a ga se yona? Ke lefelo le lekaone go ba.

<sup>3</sup> Gomme tlase fa ka go lefelo le la go gatsela, gore moo e... Ke tla tlase mo go ya kgole le boso bja go tonya, gomme ke tsene thwi ka go bjona. Ke rile bošegong bja go feta, “Ke a holofela ga se ka le tlišetša bothata bjhohle bjo.” Gabotse, le a tseba, ba re selemo se tsea go khutša ga sona ga marega ntle mo. Gomme mohlomongwe marega a tla go lebelela ka gare go yona, go bona ka fao e bego e eya mmogo. Eupša ke mo gobotse go—go ba mo nako efe kapa efe.

<sup>4</sup> Ka mehla ke bile le—le maikutlo bakeng sa Phoenix, ge e sa le go tloga ke le mošemane yo monnyane. Ke rata Phoenix. Gomme Phoenix e bile lefelo la ka la mathomo go tsoge ka rerela batho bao ba bego ba se morafe wo mošweu wa batho. Ao e be e le Maindia. Ke ile godimo go lefeloboloto. Ke a thanka go ka no ba batho fa bošegong bjo ba gopolago ge ke diretše Modimo tshepišo mo sefaleng: ge A ka fodiša segatamoroko le mosadi ka TB, ke tla ya go mafeloboloto go—go direla Maindia. Gomme ba nkeleditše go yona. Gomme bobedi bja bona ba fodišitšwe. Gomme ke ile godimo go Lefeloboloto la Apache, gomme fao Morena o re file phenyo ye kgolo.

<sup>5</sup> Ga ke kgone go nagana leina la mohumagadi yola yoo a fodišitšwego ka kankere godimo fale. E be e le taba ya go ikgetha. Ke a dumela o be a le moromiwa godimo fale, Assemblies of God, bokaonekaone bjoo ke bo elelwago. Re ile le yena, Mitchell. Gomme yeo ke nnete. A go na le yo mongwe mo a bego a le mmogo

ka kopanong yela godimo kua ka lefeloboloto nako yeo, bošego bjola? Ke naganne . . . Ee. Yeo ke nnete.

<sup>6</sup> Ke—ke naganne ke be ke eya go ba godimo kgahlanong le yona. Ga—ga se ke kgone go ba dira ba kwešiše se ke bego ke se ra. Nka se tsoge ka lebala bošego bjola. Go bile le . . . botelele morago ga ge ke rerile lebakana, gomme ke ba boditše ka Kriste. Ke be ke eme mo ditepising tša holo ya mmišene. Gomme ba bile le lefelo le tletše, nako yeo bohle ba be ba le ka ntle. Kafao ke be ke bolela le bona. Gomme selo se tee sa go ikgetha, bosegong bjoo, e be e le wa—wa kgale ngwanešu wa Moindia ba mo tlišitšego ka gare mo potong, gomme ‘botelele nako ye nngwe go ya mosong. Gomme ba—ba be ba kolobile, moo ba sepetsego go kgabaganya no—no noka. Ba e šwahlile tlase fale, felotsoko, ba mo tlišitše ka gare.

<sup>7</sup> Ke botšišitše moisa yo moswa. Ke rile, “A ga o boife o tla tšea nyumonia?”

O rile, “Jesu Kriste o ntlhokometše. Ke tliša papa wa ka.”

“Gabotse.” Ke rile, “A o a dumela o tla fodišwa?”

“Ee.”

<sup>8</sup> O be a roromela ka motlhakgaselo. Bašemane ba babedi ba baswa ba be ba mo rwele. Ke rapeletše mokgalabje.

<sup>9</sup> Ka morago ga lebakana ke kwele se sengwe se goelela. Ke lebeletše fase; mokgalabje o be a rwele poto ka magetla a gagwe mong, a eya go dikologa, a šadiša yo mongwe le yo mongwe. Feela tumelo ye bonolo go dumela, ke sohle e se tšeago.

<sup>10</sup> Ke elelwa bošego bjoo, mokgekolo yo mobose wa Moindia, o be a na le mehuta ye metelele ya maforo e lekeletše fase. Gomme o be a le godimo ga mahlotlo, gomme a be a agilwe ka gae kudu, a, boka dikota tša leswielo ka karolwana ya poto godimo ga bogodimo bja tšona, boka pedi ka nne, gomme morago le tateditšwe ka mankeretla. Gomme, ka kgonthe, wa go latela go tla o be . . . O be a le mothalong, a etla go tšwa ka gare ga moago. Eupša go be go le yo monnyane, mošemane yo moswa wa Moindia, moisa yo monnyane wa go lebega go tia kudu. O be a feta ka moka bohle ba bona ka gare, go tsena ka mothalong. Gomme selo sa kgale sa go šokiša se be se leka go ntšhetša diphata tša gagwe ntle. Gomme o be a bone diphodišo tše pedi goba tše tharo pele a tsena ka mothalong.

<sup>11</sup> Gomme ka gopola, ge a ntebeletše, le ona a magologolo, mašošo a go teba, gomme megokgo e kelekretla go theoga dikoti tšela ka marameng a gagwe, ke naganne, “Mme wa yo mongwe.” Ga se ka ke ka bolela lentšu le tee go yena, ga se ka tsoge ka mo rapelela, e ka ba eng. O ile a no lebelela godimo go nna. Gomme ge a dirile, o ile a no nneela mahlotlo le go sepelela pele go tloga, feelsa bonolo bjoo.

<sup>12</sup> Morwa wa ka o leka go ntaetša godimo fa. A le kgona go kwa seo bokaonana? Ke badile kanego lehono ka ga ko—ko—ko kolobe e išitšwe sekgethweng, gomme ke a thanka le hlokemetše. [Yo mongwe o breakanya segodišantšu sa Ngwanešu Branham—Mor.] Bjale, seo se kwagala bokaonana, go le bjalo. Yeo ke tsela ye bophelo bo yago. Bo na le mahuto a mantši ka go ona go le bjalo, a ga se?

<sup>13</sup> Bjale batho ba eme, gomme—gomme ga re—ga re nyake go tšea nako ye nngwe gape go feta ka mo re ka kgonago go thuša. Gomme le batho ba bakaone kudu, go fihla ke—ke tla no rata go bolela nako ye telele go lena.

<sup>14</sup> Gomme re mo bjale go eteng le Kopanelo ya Banna ba Kgwebo ba Full Gospel. Gomme khonferense ya setlogo e a swarwa godimo ka Ramada, go thoma karolo ya mafelelo ya . . . A re boneng, letšatšikgwedi ke lefe? [Ngwanešu o re, “Masomepedi nne.”—Mor.] Masomepedi nne. Masomepedi nne go kgabola masomepedi seswai, ka Ramada Inn. Gomme go ya go ba diboledi tše botse godimo kua, Ngwanešu Oral Roberts le ba bangwe ba bantši. Gomme ke . . . Ka mehla re na le nako ye botse. Gore, ge batho ba etla mmogo ka mokgwa woo, re na le nako ye kgolo ka go Ramada Inn ye.

<sup>15</sup> E ka no ba gore Ngwanešu Oral le nna re ka swara tirelo ya phodišo godimo kua. O ka se kgone go bolela. Seo se tla no ba gabotse. Ya. Kafao—kafao ga—ga se nke ra ke ra ba le e tee mmogo. Ga ke tsebe se a ka naganago ka go beng le sona, yena le nna mmogo, eupša ke a rata. Ge a ka kgona go nkemiša, gobaneng, re tla leka, gomme morago ra rapelela batho ba go babja.

<sup>16</sup> Gomme ga se ra be re swere ditirelo tša phodišo, ge le hlokemetše. Ga se ra fa ntle dikarata tša thapelo goba selo, ka baka la pitlagano ya dikereke tše nnyane, le a tseba. Gomme batho, ga le kgone go tliša batho ka gare le ka ntle. Gomme ka gona ge le dira, e hlola tlhakahlakano ya go hlakana tikologong, gomme molaodi wa mollo o be a sa thabele seo. Kafao re no ba mokgwa wa go tlogela ditirelo tša phodišo bokgole bjoo ka dikopanong, gomme go no be go leka go tliša wo bonolo, Molaetša wo monnyane wa Ebangedi. Go . . . Gomme bogona bja lena, le tirišano le nna, le thapelo ya lena go nna, go ntlhohleletša go ba mo. Gomme ke a holofela melaetša ye mennyan e le hlohleletša go tšwelapele, go pheleng bakeng sa Kriste.

<sup>17</sup> Gomme ke a lemoga, dinako tše dintši, batho ba tla go tšwa kerekeng e tee go ya go ye nngwe. Gomme seo se tliša bohole go tlwaelana, gomme—gomme re tla bjalo . . . mokgotsi kgonthe le rena seng. Ke rata seo. Gabotse re ka no dula mmogo mo, ka mafelong a Magodimong, ka gobane re ya go lefelo la mohuta woo moo re tla bago mmogo lefelong la Legodimong, ka Legodimong.

<sup>18</sup> Go bile le mothalo wo monnyane wa tshwaswalatšo ke bilego le ona letšatši le lengwe ka posong. E ka no e feta ge re sa le mohuta wa go beakanya maikutlo a lena. Modiredi yo mongwe le yo mongwe o a tseba, o swanetše go bolela se sengwe gape, mohuta wa go ipeakanya wenamong go batheeletši, le batheeletši go wena. Go bile . . .

<sup>19</sup> Borakgwebo ba rwele athekele ka go ya bona . . . *Voice* ya Banna ba Kgwebo, ya—ya ye nnyane . . . Ke nagana re no ya go e bitša pono. Gomme e be e le phapano ye nnyane, ka mehla, go tšwa diponong ke nago natšo. Ke be . . . tšerwe go tloga moo ke bego ke le, godimo. Lebelelang, ga se nke go lebega go nna kgojana kudu go feta tlhaka ya moago wola. Gomme fao ke be ke le ka lefelong le lengwe moo ke bonego bohole bale ba fetilego. Bontši bja lena le badile athekele, nnete. Gomme ka fale, ka morago ga ge A mpoditše bona ba be ba le . . . ba be ba le bomang, gomme bohole ba be ba le baswa gape. Gomme ba be ba le kgonthé . . .

<sup>20</sup> Ka mehla ke be ke boifa go hwa. E sego go boifa gore ke tla lahlega, eupša ke be ke sa nyake go ba moyo. Ke feelsa . . . Ke nyaka go ba motho, monna. Ka gore, ka mehla ke kwešišitše bjalo ka motho, ka šišinya diatla tša batho. Ke tla nagana, “Go ka reng ge nka fihla fale gomme ke tla kopana le Ngwanešu Rose, gomme o tla ba le lennyane, lerus le lešweu goba se sengwe? Ke a tseba e be e le Ngwanešu Rose, ka sekwi se sengwe, eupša ke be nka se kgone go šišinya seatla sa gagwe. Ke be nka se kgone go bolela le yena. Goba . . .” Ke—ke tla makala, “A seo se ka se be gampe?” Eupša, ke naganne, “Gona ge ke bowa morago, nnete, ke tla ba le tsogo.”

<sup>21</sup> Lengwalo lela ga se la ke la tsoge la tšeweleta go nna pele, gore, “Ge tabarenekele ye ya lefase e phušoga, re ne ye nngwe e šetšego e letile.”

<sup>22</sup> Kafao mosong woo, ke tsogile. Ke be ke nagana, “Šaatena, o bogolo bja mengwaga ye masometlhano. Ge o eya go dira e ka ba eng bakeng sa Morena, bokaone o hlaganele. O ya go tšofala kudu, morago ga nakwana.”

<sup>23</sup> Gomme gateetee, ke ile ka ubulelwa godimo ka lefelong le, gomme ke kgonne go lebelela morago le go bona nnamong tlase fa. Ga se nke ka ba le boitemogelo bjoo. Makga a mantši ke bile le dipono tša go ipona nnamong ke eme felotsoko, gomme gona . . . Oo, ge o sa e kwešiše, o tla nagana o tla lahlegelwa ke monagano wa gago. O—o *fa*, o ipogetše wenamong *fale*. Gomme ka gona o tloga *fa*, gomme o ka go wenamong *fale*. Uh-huh. Mohlomongwe e moragorago, mengwaga pele, le go ya pele. Go bothata go hhalosa, ga o, o ka se kgone go e hhalosa.

<sup>24</sup> O ka se kgone go hhalosa Modimo. O swanetše go Mo dumela. Le a bona? Ge o ka kgona go e hhalosa, gona ga e sa le tumelo. O swanetše go no e dumela.

<sup>25</sup> Gomme ka morago ga ge A mpoditše, go boneng batho bale bohle, gomme ba be... Ba bile le mebele. Ba... Go be go ka se kgone go ba sebe. Banna le basadi... Basadi bale ba be ba nkgoka, gomme ba be ba le basadi. Eupša go be go se kgonagalo ya go tsoge go beng sebe gape, gobane, le a bona, dithatana tša mebele ya rena di tla fetolwa fale. Re na le... Re bong bja go fapania bjale, ka gore ke bakeng sa go tšweletšagape lefase, le lenyalo la rena—la rena go tliša bana. Eupša gona go ka se sa ba tlhokego ya seo gape. Go ka se sa ba bana ba tswalwago. Re ka se be le dithatana tša thobalano ka lefaseng le leswa, le a bona, le gatee. Eupša, efela, mosadi e tla ba mosadi, ka leemo. Gomme kafao banna e tla ba banna. Eupša go ka se sa ba monna le mosadi magareng ga bona, ka tsela yeo. Gomme tšona dithatana di ka se be gona, kafao go ka se be tsela le gannyane go Sathane go tsoge a bapala boradia bjo bongwe godimo ga bona.

<sup>26</sup> Kafao, ka go seo ke lemogile basadi ba ba kitimela godimo le go lahlela matsogo a bona go ntikologa, gomme ba re, “Ngwanešu wa rena yo bohlokwa, ke thabile kudu gore o mo.” Bjale, go be go makatša. Bohle ba bona, baswa, basadi bohle ba babotsebotse kudu, moriri wo motelele, diaparo tše telele, le a tseba, boka dikobo, dikobo tše tšhwewu tša go bogega siliki. Gomme ba be ba lebega botse bjang!

<sup>27</sup> Morago fa go tla baena, feela... Gomme banna ba babotse kudu nkilego ka ba bona, go bonagetše eke bohle ba bona ba ka ba bogolo bja mengwaga ye masomepedi. Gomme mahlo a bona, a phadima. Bona, oo, ba be ba no ba boima bja monna. Gomme ke maketše. Gomme ba be ba ntopanya godimo le go nkgokara le go re, “Ngwanešu wa rena yo bohlokwa.”

<sup>28</sup> Ke maketše ka fao... Ke lebeletše morago tlase gomme ke kgonne go ipona nnamong tlase *fa*, efela, ke robetše fase. Gabotse, bjale, ka gopola, “Seo ga se sa tlwaelega.” Gomme nako yeo ke botsišitše.

<sup>29</sup> Go na le mohumagadi wa go ratega ka kgonthe o tlie godimo, a fošetša matsogo a gagwe go ntikologa, a re, “Oo, Ngwanešu Branham, re thabile kudu o fa, ngwanešu wa rena yo bohlokwa.”

<sup>30</sup> Ke ile ka mo lebelela, ge a be a tloga. Gomme Segalontšu se bego se bolela le nna, sa re, “A ga o mo lemoge?”

Ke rile, “Ga—ga ke.”

Se rile, “O be a fetile masomesenyane ge o mo hlahlela go Kriste.”

<sup>31</sup> Gomme o be a le fao, selo se sebotsebotse kudu ke bego ke se lebeletše, ka tsela ya mosadi. Gomme ke rile, “Ga go makatše o rile ‘Ngwanešu yo bohlokwa.’” Le a bona? Bjale a ka se tsoge a fetoga gape. O ka tsela yeo bakeng sa Bokagosafelego.

Ke rile, “Ke nyaka go bona Jesu.”

<sup>32</sup> Se rile, “O godingwana go feta se. Letšatši le lengwe O tla tla, gomme o tla ahlolwa ka Ebangedi ye o e rerilego, gobane o be o le moetapele.”

Ke rile, “Gabotse, a Paulo o tla swanela go ahlolwa ka lešaba la gagwe?”

O rile, “Ee.”

Ke rile, “Ke rerile Ebangedi ya go swana a dirilego. Feela tlwa ka tsela ye a E boletšego, yeo ke tsela ye ke E boletšego.”

<sup>33</sup> Gomme tšona digalontšu tše dimilione di goeleditše ntle, “Re khutšitše godimo ga Yeo.”

<sup>34</sup> Ka gona selo sa go se tlwaelege se diregile. Ke be ke fela ke eba le ye nnyane, pere ya sala, gomme ke—ke mmiditše Prince. Gomme ke be ke rata pere ye nnyane yela ya kgale bjang. Ke be ke fela ke e namela mosong wo mongwe le wo mongwe, pele ga sekolo, ke thea melaba ya ka. Gomme ke bone pere ye nnyane ye ya kgale e etla godimo go nna, le go bea hlogo ya yona go kgabaganya legetla la ka, gomme e lla. Gomme ka mo phaphatha. Ka re, “Prince, ke tsebile o tla ba mo.” Gomme ke ikwetše se sengwe se latswa seatla sa ka. E be e le mpša ya ka ya kgale ya go coon. O mpeile ka sekolong, o mphile diaparo tša ka, go tsoma. Ke rile, “Prince, goba, Fritz, ke tsebile o tla ba fa le wena.”

Ka gona ke ikwetše se sengwe se direga. Ke be ke eya morago.

<sup>35</sup> Seo se be se ngwadilwe ka go *Voice* ya Banna ba Kgwebo ba Bakriste. Gomme modiredi o nngwaletše letšatši le lengwe. O rile, “Ke thabetše pono yela, Ngwanešu Branham. E kwagetše gabotse kudu go fihla o boletše ka dipere. Legodimo le diretšwe batho. Ga go selo se sebjalo bjalo ka dipere Legodimong.”

<sup>36</sup> Gabotse, ke rile, ke mo arabile morago. Ke rile, “Ngwanešu, ga se nke ka re ke be ke le Legodimong. Ke be ke botšiša moo Jesu a bego a le gona, gomme O be a sa le mošola.” Ke rile, “Eupša ge e ka go thusa gannyane, Puku ya Kutollo, e re, ‘Ge Jesu a tlogela Magodimo a magodimo, O be a nametše pere ye tšhweu.’ Gomme madira ohle a Legodimo a be a Mo latela, godimo ga dipere tše tšhweu. Le a bona? Kafao seo se be se etla go tšwa Legodimong la magodimo.”

<sup>37</sup> Gomme se sa go ntira ke ikwele gabotse, ge ke thoma go ya morago, O rile, “Bohle ba o kilego wa ba rata, le bohle ba kilego ba go rata, Modimo o go file bona.”

<sup>38</sup> Letšatši le lengwe la go kganya, ka lehlakoreng le lengwe, go tla fapana. Ke no se kgone . . . Le no se kgone go fihlelala, batho, go foša lefelo leo. Le se e dire. E ka ba eng o e dirago, dira . . . Se boife. Ga go bohlokwa bja go tšhoga. Ga go ne selo go tšhoga.

<sup>39</sup> Oo, ge ke naganne go tla morago, e ntirile ke nyame. “A ke tla swanela go ya morago gape? A ke tla swanela go ya morago, go se ke bego ke boifa go ba sona?” Le a bona? Gomme ka gona ge

re etla go mmele wo o tsogilego, gona re tla ja le go nwa. Ga se ba ke ba ja le go nwa. Ba be ba se ne tlhoko ya go ja le go nwa. Ba be ba sa ye felo, gomme ba be ba se ba lapa. E be e no ba... Fao ga go lentšu le nka kgonago go le šomiša. Le be le phethagetše; seo se ka se kgone. Ke ka godimo ga se ke se bitšago go phethagala. Ba—ba sa tšo fihla, seo e bile sona, mo—mo lefelong leo, gomme go be go makatša.

<sup>40</sup> Kafao, oo, theetšang, bagwera. Ke—ke nagana ke ka monaganong wa ka wa go loka, gomme ke—ke—ke a tseba e kwagala go se tlwaelege. Eupša ga se nke ka kgonago, le go se tsoge ka leka, go hhalosa go batho dilo tše. Dilo tše dintši tše di... E ka godimo ga go hhalosa. Gomme o tla no gakantšha monagano wa batho. Eupša ge nka kgonago, le go ikwela go dira bjalo, go tla be go tširoša.

<sup>41</sup> Eupša hlokamelang se. Ke bolela se. Le se boife. Lehu e no ba setšhošetši, go leka go go thibela kgole le se sengwe. Nna, ke letago kudu! Le ka godimo ga e ka ba eng o ka naganago ka yona. Ga go makatše Beibebe e rile, “Leihlo ga se la bona, tsebe ga se ya kwa, ebole ga se go tsene ka dipelong tša batho se Modimo a ba beetšego bao ba Mo ratago.” Oo, go no lebelela go feta garetene ya nako! Gona, ke lekile thata go feta pele mo bophelong, go leka go thopela batho go Kriste, ge e sa le nako yeo. O ka se kgone go e foša. O se ke wa e dira. Eba le nnete gore o lokile le Modimo, gomme dilo tše dingwe di tla ba ka moka gabotse.

<sup>42</sup> Bjale, ke no ba le dinoutse di se kae di ngwadilwe fase mo, ke naganne gore ke tla bolela gannyane nthatana bošegong bjo go tšona. Gomme ke a nagana gosasa bošego re godimodimo ka gare, e ka ba dimaele tše masomepedi go tloga mo, goba bontši. Mesa, ke a dumela ke yona. Mesa. A ke Mesa? Mesa. Gomme ka gona bošego bjo bo latelago ka Tempe, Tempe. Gomme ke na le peakanyo ka potleng ya ka mo, go tšwa pampiring ye Ngwanešu Williams a mphilego. Eupša, ke bile matasatasa gabotse, ke nno se e lebeledišiše golebjalo. Billy o no tla gomme a ntšea, gomme o rile, “Re ya kaekae le kaekae le kae le kae,” gomme ke rena ba. Ka gona ke ya godimo mo, gomme o leka go nkgamiša.

<sup>43</sup> Bjale, a yo mongwe le yo mongwe o ikwela bodumedi ka kgonthe? E reng, “Amene,” ge eba o a dira. [Phuthego e re, “Amene.”—Mor.] Kgontha gabotse. Seo se kaone. Bjale, a re no inamišang dihlogo tša rena bjale.

<sup>44</sup> Bjale ka ge, re no ba le, dikwi tša rena tše nnyane tša tshegišo le go hlagiša. Re bana, gomme re a kgobokana le go bolela bjalo ka bana. Gomme re... Le Modimo o na le sekwi sa tshegišo, le a tseba.

<sup>45</sup> Kafao a re inamišeng dihlogo tša rena bjale le go bolela le Yena pele re bala Lentšu la Gagwe. Ge re sa ne dihlogo tša rena di inamišitšwe, a go na le bale ka fa ba ba nago le kgopelo bakeng sa

thapelo? A nke go tsebje ka seatla sa gago se se phagamišitšwego. Modimo a le šegofatše. A re inamišeng dihlogo tša rena bjale.

<sup>46</sup> Tate wa rena wa Legodimong, re tla ka go Bogona bja Gago bjale ge re inamiša dihlogo tša rena le dipelo tša rena ka boikokobetšo. Re batamela ka tumelo, mošola wa ngwedi le dinaledi, go ya Teroneng ya Modimo, Leineng la Morena Jesu, ka gobane re ne kgonthé gore ge re etla Leineng la Gagwe gore O ya go re kwa. Re tla amogelwa ka Bogoneng bja Gago ka Leina la Gagwe. A monyetla wo e lego ona, go tseba gore re amogetšwe ka Bogoneng bja Modimo, ka Leina la Jesu Kriste.

<sup>47</sup> Gomme O re boditše, Tate, gore e ka ba eng re e kgopetšego ka Leina la Gagwe, gore Wena, ka go phophomeng ga Gago ga kgaugelo le mogau, o tla swarela dibe tša rena gomme wa re fa tlhologelo ya rena. Tate, re thabetše seo kudu. Ga go na le selo se sengwe seo re ka naganago ka sona, seo e tla ba monyetla wa godingwana, go feta go ba le monyetla wo.

<sup>48</sup> E tla ba monyetla ka go rena badudi ba Amerika go batamela mopesidente wa rena. Gomme tšohle re tla swanelago go di dira, go ya go kgabola, go fihla go batamela mopesidente nakwana feela ya nako, go tsea nakwana ya peakanyo ya gagwe ya matasatasa. Re tla swanela go ya go kgabola diofisi, le—le tsela ye nngwe le ye nngwe, go fihla go tla, le go swanela go bolela mabaka a rena, gomme—gomme re swanetše go lekolwa pele re ka ba le monyetla woo.

<sup>49</sup> Eupša, go nagana ka yona: Modimo, Mohlodi wa magodimo le lefase, o re letile go batamela. Rena, badiradibe ba go se be le maswanedi, O re letile go batamela ka Leina la Morena Jesu, ka netefatšo gore re tla fiwa se re se kgopelago, ge feela re ka dumela gore re tla dira. Gona, re tla šetša dikgopelo tša rena kgauswi kudu le go tseba gore re ka se bolele ka bošilo goba go kgopela ka bošilo. Gomme ge re ka, re a rapela O re lebalele, Morena.

<sup>50</sup> Gomme re kgopela bošegong bjo bakeng sa kgaogelo godimo ga se sengwe le se sengwe sa diatla tše tše di bego di le godimo. A nke dikgopelo tša bona di fiwe go bona, Morena. A nke ba ikwele netefatšo ka pelong ya bona thwi bjale, gore, ge re sa le ka Bogoneng bja Gago, gore, ge re bula mahlo a rena le go tsoša dihlogo tša rena go tšwa leroleng, go tšwa fao O re kgolokilego, a nke re ikwele netefatšo yela e kgwapareditšego gore re filwe sela se re se kgopetšego.

<sup>51</sup> Re tla kgopelela bao, Morena, mohlomongwe ka moagong bošegong bjo, bao ba sego ba ke ba tla ka Bogoneng bja Gago, ka tsela ya thapelo, go kgopela tebalelo bakeng sa sebe, a nke bjo e be bošego bjoo se sengwe se tla bolelwago, goba se sengwe se dirwe, goba go dira mo Moya wo Mokgethwa woo o tla dirago dipelo tša bona go roromela le go kgopela mogau wola wa tebalelo.

<sup>52</sup> Fodiša balwetši. Morena, re a rapela gore O tla ba fa, bosegong bjo, netefatšo gore thapelo ya tumelo bjale e a rapelwa. “Gomme e tla phološa molwetši.” Ka gore re ka kgona go bolela, le go oketša se, gore seo ke O RIALO MORENA, ka gore go ngwadilwe ka Lentšung la Morena.

<sup>53</sup> Bjale, Tate, re a rapela gore O tla šegofatša ditshwayo tše dinnyane tše di filwego fa lehono bakeng sa Lentšu la Gago. Goga go tšwa go palo ye kgwekgwe ya pelo ye nngwe le ye nngwe. Gomme ge nka šitwa ka tsela e ka ba efe, Morena, gomme ka foša tumelelo ya Moya wo Mokgethwa, a nke Yena ka mogau wo Mokgethwa a ye le Lentšu gomme a Le bee ka pelong moo Le bego le swanetše go ba. Gomme a nke bosegong bjo re bone seatla sa Ramaatlakamoka se taramologa go kgabaganya moago wo, le go dira dilo tše di tla bago ka botlalo kudu godimo ga tšohle re ka kgonago go di dira goba go nagana. Ge re tloga bosegong bjo le go ya magaeng a rena a go fapan, a nke re kgone go bolela boka bale bao ba tšwago Emause, “A dipelo tša rena ga se tša swa ka gare ga rena, ge A be a bolela le rena mmogo tseleng?” Ka gore re e kgopela Leineng la Gagwe. Amene.

<sup>54</sup> Bjale, batho ba bantši ba mohuta wa go ngwala fase, le sehlogo seo modiredi a se šomišago. Gomme nna, ge le rata bjale, ke tla rata go bala mafelo a mabedi ka go Lengwalo le Lekgethwa. Yeo ke, ka go Genesi tema ya 22, re tla ya pele le go bala. Gomme morago ka go Mokgethwa Johane 12:32, re tla bala karolo ya bobedi ya Lengwalo. Bjale, ka go Johane... Ka go Genesi 22, re thoma ka temana ya 7 ya tema ya 22.

*Gomme Isaka o boletše le Abraham tatagwe, gomme o rile, Tate wa ka: gomme o rile, Ke nna yo, morwa wa ka. Gomme o rile, Bona mollo le dikgong: eupša e kae kwana bakeng sa se sehlabelo sa go tshungwa?*

*Gomme Abraham o rile, Morwa wa ka, Modimo o tla neela yenamong kwana bakeng sa se sehlabelo sa go tshungwa: kafao ba ile bobedi bja bona mmogo.*

<sup>55</sup> Gomme bjale ka go Mokgethwa Johane 12:32, re bala Mantšu a go tšwa dipounameng tša Morena wa rena.

*Gomme Nna, ge Ke phagamišeditšwe godimo go tloga lefaseng, ke tla gogela batho bohle go nna.*

<sup>56</sup> Gomme bjale bakeng sa sehlogo seo ke tla ratago go bolela go tšwa go sona, ka se, ke, “Go amogela tsela ye e filwego ke Modimo bakeng sa nako ya bofelo.” A ke tsopole yeo gape, ka gore, godimo ga ditheipi, ke a dumela ba gatiša Melaetša ye, gomme go ditheipi tše re nago natšo, dihlogo tše itšege tše makgolotlhano tše ke thankago ke rerile go tšona, ba na le se sengwe go swana le seo, eupša e sego tlwa se. *Go Amogela Tsela Ye E Filwego Ke Modimo Mo Nakong Ya Bofelo.*

<sup>57</sup> Le a tseba, go na le ditsela tše ntši tše—tše di tšeago, eupša ka kgonthe go na le feela ditsela tše pedi tše motho

a ka kgonago go ya, yeo ke, tsela ya maleba le tsela ya go fošagala. Gomme bohole ba rena fa, bošegong bjo, re go e tee ya ditsela tšeо, ya maleba goba ya phošo. Ga go na lefelo la gare. Jesu o rile, “O ka se kgone go direla Modimo le *mamona*,” go ra, “lefasa.” Re e ka ba maleba goba phošo.

<sup>58</sup> Gomme bjale ge re ka no tloga tseleng ya rena beng, ke tsela e nnoši re ka kgonago go tsena ka tseleng ya Modimo. Gomme Modimo o dirile tsela ye e filwego bakeng sa se sengwe le se sengwe. O file tsela. Gomme moo re tsenago bothateng, ke go se latele tsela yeo, le—le go hlabela ka go Yona ditsela tša rena beng. Gomme seo se dira phapogo. Gomme e ka ba eng yeo e fapogilego ga—ga e tshepagale. Kafao, Modimo o ne tsela. Gomme a re no lebelelang tše dingwe tša ditsela tša Gagwe.

<sup>59</sup> A re tšeeng se sengwe ka go tlhago. Gobane, tlhago e be e le Beibele ya ka ya mathomo. Ke a tseba Modimo ke Mohlodi, gomme O hlotše tlhago. Gomme O phela ka tlholong ya Gagwe, ka tlhago.

<sup>60</sup> A re tšeeng, mohlala, mohlare. Ke nno huhumela ka tlase ga o tee, dinakwana di se kae tša go feta ntle kua, goba Billy o dirile, le makabe godimo ga ona. Gomme ke lemogile matlakala a ewa. Bjale, ga se nke ra ke ra kgonan, gomme re ka se tsoge ra kgonan, go hwetša tsela ye kaonana ya mohlare go uta bophelo bja ona go kgabola marega, go feta tsela ye Modimo a e filego go uta bophelo bja ona.

<sup>61</sup> Bjale, go ka reng ge re lekile go hlagiša tsela tsoko ye nngwe go feta tsela ya mehleng e filwego bakeng sa mohlare? Go ka reng ge Agostose goba Setemere, ka nageng gagolo mo ke tšwago gona, Leboa, ge re ka swanela go ya ntle go serapa sa apola gomme ra hwetša mohuta wa se—se sedirišwa le go se bea ka mohlareng, go bapa e ka ba Agostose morago ga diapola di budule, le go goga bophelo go tšwa mohlareng le go bo tšeela ka lefelong le lebotse la borutho, gomme ra bo boloka go kgabola marega, bophelo, boreku bja bophelo go tšwa mohlareng, le go bo bea ka go sebjana se botse se borutho le go bo boloka go fihla Seruthwana, gomme morago wa bo lahlela morago ka mohlareng? Le a tseba, seo se ka se tsoge sa šoma. Go ka se tsoge go bile bjalo. Gomme go leka go e dira feela gore e tla bolaya mohlare.

<sup>62</sup> Eupša Modimo o na le tsela ya go hlokomela bophelo bjoo go kgabola marega. Modimo o dirile tsela. A tseba gore marega a tla tla godimo ga mohlare, O dirile tsela ya ona. Ke bile le monyetla wa go hlahlala moganamodimo wa bogolo bja mengwaga ye masomešupa tlhano go Kriste, ka seo, e sego kgale go fetile.

<sup>63</sup> Mna. Wood, moagišani wa ka, gomme o be a le Hlatse ya Jehofa ka tumelo. Gomme o be a na le mošemane yo a bego a golofetše, o be a na le leoto le gogegile godimo ka fase ga gagwe. Gomme mosadimogatša wa gagwe, ke a dumela, o be

a le wa mo—mo mosepelo wa Anderson wa Church of God. Gomme ba tla Louisville, Kentucky, moo ba phetšego ntle ka go lefelo le lennyane la go bitšwa Crestwood, e ka ba dimaele tše masometharo go tloga Louisville.

<sup>64</sup> Gomme ka kopanong kua ka otithoriamong, ba bone mosetsana yo a bego a na le bolwetši bjo mo, gore, o fetoga tšhoko goba letlapa. Gomme o bile le, šetše bo mo rephišitše ditho, kgole ka godimo ga matheka a gagwe, gore ga se nke a šuthe lebaka la, oo, dikgwedi tše mmalwa. Gomme bo tšwa maotong a gagwe. O rapeletšwe, bošego bjo bongwe, gomme letšatši le le latelago o be a kitima ditepisi godimo le fase, feela ka maatla ka fao a bego a kgona go ya.

<sup>65</sup> Gomme Mna. Wood o tlišitše morwa wa gagwe. Nnete, ga se a ke a tsena ka kopanong. Gomme ka pela ka morago ga fao, ke ile ka tšeelwa mošwamawatle, ke ile mošola bakeng sa Morena wa rena. Gomme ka go boweng ke be ke na le kopano godimo ka... . ka Ohio, gomme o tlišitše mošemane, a bitšwago David. Gomme o be a dutše moragorago, oo, e nyakile go ba seripa sa poloko ya toropokgolo.

<sup>66</sup> Gomme Moya wo Mokgethwa o tlie ka gare le go re, “Go na le monna fa bošegong bjo. Gomme yena le mosadimogatša wa gagwe ba dutše moragorago ka morago.” Ga se ka ke ka mmona bophelong. Gomme o rile, “Monna, leina ke Wood. Ke rakonteraka. O na le mošemane wa segole yo a bego a na le pholio, yeo e gogilego leoto le tee godimo ka tlase ga gagwe. Eupša, O RIALO MORENA, mošemane o fodile.”

<sup>67</sup> Yena a se a tlwaela se sebjalo, mošemane o dutše fale lebakana. Gomme morago ga nthatana, mmagwe o rile, “David, gobaneng o sa leke go ema?” Gomme ge a eme, leoto le be le itekanetše bjalo ka le lengwe.

<sup>68</sup> Monna o rekišitše kgwebo ya gagwe gomme a sepelela godimo, moagišani wa kgauswi. Oo, ke ngwanešu wa go ratega kudu! Mosong wo mongwe ge a tsebile ke be ke etla ntle mo bakeng sa nako ya katološo, o... . E ka ba seetša sa letšatši, ge ke tloga gae, o be a le fao, a eme ntle mokgotheng, a lla ka mokgwa *woo*; a kgopela llifiti, boka o be a eya go sepela le nna. Gomme o nkogkile le go ya pele go theoga tsejaneng. Ngwanešu yo bjalo wa go makatša! O bile mokgotsi ka kgonthé go nna.

<sup>69</sup> Re be re le tlase ka nageng ya Kentucky, go tsoma dihlorana, e ka ba mengwaga ye meraro ya go feta. Gomme go bile go oma ka kgonthé. Gomme bjale, ge e ka ba mang wa lena batho ba bohlabela a tsebago se sehlorana se sehla se lego, o... . Houdini mmapadi wa go phonyokga ke magogorwane, go yena, ge a tšhogile. Kafao, ke rata go di tsoma, kafao re di tsoma ka raborolo ya .22. Gomme re tsomile. Ke be ke le maikhutšong a ka e ka ba dibeke tše pedi, gomme re be re kampile ntle. Gomme go be go omile kudu. Gomme o ka no sepela go kgabola dithokgwa

le go roba le—le lehlare, le moisa yola yo monnyane, oo, nna, fše, o no se kgone go mmona. O ile.

<sup>70</sup> Kafao Ngwanešu Wood o rile, “Ngwanešu Branham, ke tseba le—le lefelo tlase mo le le nago mekoti ya go teba.”

<sup>71</sup> Ke ba bakae ba tsebago se mokoti o lego? Gabotse, ke karolo efe ya Kentucky o tšwago go yona? Gomme seo ke se ba se bitšago tlase ka Kentucky. Tlase mo, ke a dumela le le bitša leope goba se sengwe, fao meetse a yago go theoga lekala. Gomme o tsena ka mafelong ao a go teba, gomme go sa thapile, gomme o ka kgona go sepela gomme wa se dire lešata.

<sup>72</sup> O rile, “Eupša moisa wa kgale ke mosedumelemodimo, gomme, oo, o hloile bareri.” Gomme ke be ke bile ka nageng gatee pele, gomme e be e le ka kopanong.

Gomme ke rile, “Go lokile. O, o a mo tseba?”

O rile, “O tseba papa wa ka gabotse ka kgonthe.”

<sup>73</sup> Ke rile, “A re ye go mo kgopela, gobane ga re dire botse bo itšego mo.”

<sup>74</sup> Gomme re ile godimo ka go theraka ye nnyane ya gagwe, le godimo go kgabola dithokgwa, le tlase godimo ga dithaba. Oo, nna! Mafelelong re fihlile lefelong le lennyane. Gomme go be go le bakgalabje ba babedi ba dutše ka tlase ga mohlare wa moapola. E be e ka ba la 20 la Agostose.

<sup>75</sup> Gomme kafao o tšwetše ntle ga theraka, o ile godimo, gomme o rile, “Leina la ka ke Wood.” O rile, “Ke nna Banks Wood.” O rile, “Ke a makala ge eba go tla loka ge re tsomile lefelong la gago.”

O rile, “A ke wena mošemane wa Jim Wood?”

<sup>76</sup> Bjale, papagwe ke mmadi ka go Hlatse ya Jehofa, goba o be a le. Gomme lapa ka moka le tla go Kriste, yo mongwe le yo mongwe, ka dipono. Yo mongwe le yo mongwe, ba botše feela se se tla diregago, gomme e dirile feela ka tsela yeo. Oo, ke duma bjang nka kgona go ema le go le botša feela kanegelo yela ya lapa, ka fao ba tsenago. Yo mongwe le yo mongwe wa bana ka Mmušong wa Modimo bjale, o kolobeditšwe ka Moya wo Mokgethwa.

<sup>77</sup> Gomme kafao ge Banks a e amogetše, ba gagwe... batho bohle ba gagwe ba mo rakile. Yeo e be e le phetho. O be a le ntle.

<sup>78</sup> Eupša, o motee ka o motee, yo mongwe le yo mongwe wa bona o feta kgauswi, go re “halo” go yena, Moya wo Mokgethwa o tla ba swara le go ba botša dilo, gomme morago ba tla tsena. Gomme morago ba tla ya go botša yo mongwe. Morago o tla tla, O tla mmotša se sengwe, morago o tla tla. Gomme yeo ke tsela ye lapa ka moka le tlago ka go Kriste. Gomme kafao ge re hweditše... go tšwa go...

<sup>79</sup> O ile ka ntle ga theraka, gomme a re go monna. A re, “A ke wena morwa wa Jim Wood?”

O rile, “Ee.”

<sup>80</sup> O rile, “Jim Wood ke monna wa go botega. Ee, mohlomphegi. Ithuše wenamong. Tsoma moo o nyakago.”

<sup>81</sup> O rile, “Ke a go leboga.” O rile, “Ke tlie mmogo le modiša wa ka.”

<sup>82</sup> O rile, “Wood, ga o re gore o ile fase go lekanelo go rwala moreri le wena kae kapa kae mo o yago?”

<sup>83</sup> Ke naganne e be e ka ba nako go nna go tšwela ntle. Kafao ke tšwetše ntle ga theraka, gomme ke sepetše tikologong. Oo, nna! (Lena baena tsomang. Badirišane ba ka ba go tsoma, ke a tseba le ka mo.) Le ka fao go thankgela madi le ditšhila, le tšhitšhiboya e ka ba botelele *bjoo*, le a tseba; ke be ke se ka hlapa lebaka la dibeke tše pedi, gomme, oo! Kafao ke tšwile ka therakeng le go e lokiša. Gomme o ntebeletše godimo le fase, makga a mabedi goba a mararo. Ke a thanka o naganne, “Moreri tsoko!”

Ke ile ka re, “Go bjang?”

Gomme o rile, “Go bjang?”

<sup>84</sup> Gomme kafao Mna. Wood o thomile go ntsebiša bjalo ka nna yo, wa ka . . . modiša wa gagwe. Gomme o rile . . .

<sup>85</sup> Pele a ka hwetše sebaka go e dira, mokgalabje o rile, “Gabotse,” o rile, “Ke a le botša gonabjale.” O rile, “Ke—ke swanetše go ba mosedumelemodimo. Ga ke ne mošomo wo montši bakeng sa lena mathaka, le ipitšago bareri lenabeng.”

Ke rile, “Ee, mohlomphegi. Go lokile.” Ke rile, “Yeo ke go nagana.”

Gomme o rile, “Gabotse, o a tseba, ke nna mosedumelemodimo.”

<sup>86</sup> Ke rile, “O se dumele seo se tla ba go swanela go ikgantšha ka sona. A o nagana bjalo?”

O rile, “Gabotse, ga ke e bale.”

<sup>87</sup> Kafao ke rile, ke naganne ka pelong ya ka, “Morena, ge O ka tsoge wa nthuša, O a dira bjale.”

<sup>88</sup> Kafao mokgalabje yo mongwe a dutše fale, ga se nke a bolela selo. Dikefa tša kgale tša go lepelela, ga ke tseba se . . . Le tseba se e lego, di logilwe ka thapo tše pedi, le a tseba. Gomme kafao ba dutše fale nthatana gannyane.

<sup>89</sup> Gomme kafao o rile, “A le tseba se ke nago kgahlanong le lena baisa? Le gobola mohlare wa go fošagala.”

<sup>90</sup> Ke ba bakae ba tsebago se seo se se rago, “go gobola mohlare wa phošo”? Yeo ke mpša ya go fora, le a tseba, ye e gobolago mohlare wa go fošagala. Phofofolo e šetše e tlogile fao. Ga go selo godimo kua. Le a bona?

<sup>91</sup> Kafao o rile, “Lena baisa le gobola mohlare. Ga go selo godimo fale,” ka mantšu a mangwe. “O bolela ka Modimo, gomme ga go na selo se sebjalo bjalo ka Modimo.”

“Gabotse,” ke rile, “nnete, re dumela seo.”

O rile, “Gabotse, o ka no ba, eupša ga ke.”

Ke rile, “Gabotse, seo se lokile.”

<sup>92</sup> Gomme o rile, “A le bona tšhimile yela ya kgale godimo fale mo thabeng?”

Ke rile, “Ee, mohlomphegi.”

<sup>93</sup> O rile, “Ke tswaletšwe godimo kua.” Gomme o rile, “Papa wa ka o agile lefelo le tlase mo. Re theogetše tlase ge ke be ke le e ka ba bogolo bja mengwaga ye lesometshela. Morago ga lehu la tate wa ka, ke tšere lefelo. Ke godišitše lapa la ka. Ke bile fa masomešupa tshela goba masomešupa seswai, goba se sengwe boka seo, mengwaga.” O rile, “Ke lebeletše kgafetšakgafetša, letšatši le lengwe le le lengwe, go kgabola mafaufau. Ke lebeletše gohle godimo ga dithokgwa. Ke lebeletše gohlegohle mmung. Gomme ga se nke ka bona e ka ba eng yeo e bogegago boka Modimo.”

Ke rile, “Gabotse, seo se befile kudu.”

<sup>94</sup> Gomme o rile, “Ke ka lebaka leo ke naganago gore lena baisa le gobola mohlare wa phošo.”

<sup>95</sup> Ke rile, “Ee, mohlomphegi.” Gomme nako yeo se sengwe se diregile. Ke lebeletše godimo go mohlare. Ke lebeletše fase, gomme go be go le diapola di letše mohlareng. Ke rile, “A o tshwenyega ge eba ke na le ye nngwe ya tšona diapola?”

<sup>96</sup> O rile, “Ithuše wenamong. Dipaki tše serolwana di a di ja.” Le tseba se dipaki tše serolwana di lego, ke ne kgonthé.

<sup>97</sup> Kafao ke—ke ile fase, le go swara ye nngwe ya diapola, le go e fogohletša godimo ga leoto la borokgo bja ka, le a tseba. Gomme ke ile ka kgema. Ke rile, “Yeo ke apola ya makgethe.”

O rile, “Ee, yeo ke ye botse.”

Ke rile, “Mohlare wola ke wo mokae bogolo?”

<sup>98</sup> O rile, “Ke o bjetše fale. A re boneng, ke masomenne šupa, masomenne seswai a mengwaga bogolo, se sengwe boka seo.” O rile, “Ke bjetše sehlogana se sennyane nthatana sa go runya.” O rile, “Ke e topile go tšwa felotsoko, kgole felotsoko gape, gomme ka e tliša godimo fa.”

Ke rile, “Ee, mohlomphegi.” Gomme ke rile, “A e a enywa ngwaga wo mongwe le wo mongwe?”

<sup>99</sup> “Ngwaga wo mongwe le wo mongwe o enywa diapola tše kaone.” A re, “Re khena diapola tše ntši go tšwa fao.”

<sup>100</sup> Gomme ke rile, “Gabotse, seo se a makatša. Ke thakgetše go kwa seo.” Gomme ke rile, “O a tseba, fa e no ba lesometlhano la

Agostose.” Ke rile, “Ke masomesenyane ka moriting e nyakile go ba nako yohle.” Ke rile, “Go a tlaba gore wona ohle matlakala a hloholorega go tloga mohlareng wola, gomme ga se re be le lehlwa.”

<sup>101</sup> Gomme o rile, “Oo, seo—seo ke, boreku bo ile morago modung.”

“Oo,” ke rile, “seo ke se bo lego?”

O rile, “Ee.”

Ke rile, “Morago bo boela morago modung, bakeng sa eng?”

<sup>102</sup> O rile, “Gabotse, ge bo ka dula godimo kua, marega a tla o bolaya.”

Ke rile, “Bolaya eng?”

<sup>103</sup> O rile, “Mohlare. Tlhako ya bophelo e ka go boreku bjola, e theogela tlase le go utama fase ka medung.”

Ke rile, “Oo.” Ke rile, “Bjale, a seo se tla . . . Go reng ka . . .”

O rile, “Gabotse,” o rile, “seo ga se selo sa go tlaba.”

Gomme ke rile, “Aowa, aowa. Yeo e no ba tiro ya tlhago.”

<sup>104</sup> O rile, “O a tseba, ke nyaka go go botša se sengwe.” O rile, “Pele o eya bokgojana bjo bo itšego, ke nyaka go bolela se. Gore ke kwele ka moreri nako ye nngwe, yoo ke tla ratago go mo kwa gatee, ge a ka tsoge a tla nageng ye gape, ke nyaka go mo kwa.”

Ke rile, “Oo? Seo se bose,” ke boletše.

<sup>105</sup> O rile, “O be a le godimo fa ka Acton e ka ba mengwaga ye mebedi ya go feta ka lesolong ntle ka go—go mafelo a mabotse a Methodist ntle kua, mapatlelo a kampa a Methodist.”

<sup>106</sup> Gomme Banks a lebelela. Ka retologela go Banks, ke . . . Yoo ke, Ngwanešu Wood. Ka re . . .

<sup>107</sup> Gomme o rile, “Ke lebetše se leina la monna yo e bego e le lona bjale.” O rile, “O a tseba, ga se nke a ke a ba ka nageng ye pele.” Gomme o rile, “Mohumagadi wa kgale,” yo mongwe, “o dula godimo fa e ka ba maele, godimo mo thabeng.” O rile, “O be a ehwa ka kankere. Gomme ba mo išitše Louisville, dimaele tše lekgolo le masomepedi, gomme dingaka di mo ripile go bulega. Gomme mogodu wa gagwe ka moka o be o phuthetšwe, mala le ohle, ka kankere. Gomme ga se ba kgone go mo direla selo.” Gomme o rile, “Nako yeo ba tlišitše . . . ba mo rokile le go mmušetša morago. Gomme mosadimogatša wa ka le nna re be re eya godimo letšatši le lengwe le lengwe. Gomme ga se ba kgona go mo tsošetša godimo gape; re ile ra no swanelo ke go goga lakane le go fetola malao a gagwe.” Gomme o rile, “Re be re eya godimo kua lebaka la dibeke tše mmalwa.” O be a sa nno lebelela bošego e ka ba bofe go yena go hwa, goba nako efe kapa efe. Gomme o rile, “Kgaetšedi wa gagwe o phela morago godimo go nokana ye nngwe.” O a tseba, yeo ke tsela le reeelago, tlase fale. Ga se tsela; ke nokana. “Godimo ka nokaneng ye nngwe.”

<sup>108</sup> Ke kwele yo mongwe a sega. Go nno tlala ka ba Kentucky ka fa. Godimo... Gabotse, ke tswetšwe ka se ba se bitšago Little Renox tlase kua. Tatemogolo wa ka o phetše go Big Renox, yeo e falalelago ka go Bombshell. Nokana ya Bombshell e theogela thwi go Little Renox, gomme e kitima go theoga ka Casey's Fork, gomme e kitima thwi pele ka go Cumberland River. Bjale, yeo e no ba go kgabola Greenbrier Ridge. Ke moo mme wa ka a belegetšwego, godimo go Greenbrier Ridge.

<sup>109</sup> Gomme o rile, "Mosadi yo o dutše godimo ga lefelo le lengwe." Gomme o rile, "Yeo e ka ba dimaele tše masomepedi go tloga mo. Gomme o tlie bošego bjoo, gomme o be a dutše moragorago ka morago ga lepatlelo leo la kampa." Gomme o rile, "Moreri yo, ge a be a le godimo fale, o rapelela balwetši." Gomme o rile, "O be a botša batho ba be ba le bomang, le tšohle ka yona."

<sup>110</sup> O rile, "Mosadi yo o tlie thari, gomme ga se a hwetša ye nngwe ya tšona dikarata tšebo ba bego ba di fa."

<sup>111</sup> Gomme o rile, "Moreri yo o retologetše go yena, le go mmotša, o rile, 'O a tseba, wena, mohumagadi o dutše morago fale, ke wena *Semangmang*. Gomme bošegong bjo ge o tloga gae, o beile sakatuku se sennyane ka pukung ya gago ya potla, ka seswantšho se bolou mo khoneng ya sona.' O rile, 'Gomme o na le sammago wa go bitšwa *Semangmang*.' Gomme o rile, 'O hwa ka kankere ya mogodu. Ke sa tšwa go e bona ka ponong. Bjale, tšea sakatuku seo, gomme o ye o se bee godimo ga gagwe. Gomme, O RIALO MORENA, o tla dirwa gore a loke."

<sup>112</sup> O rile, "Gomme mohumagadi... Bošegong bjoo, re kwele lešata la go šiiša kudukudu, godimo ka thabeng. Ke naganne ba bile le Salvation Army godimo kua," o rile, "e ka ba bošegogare. Gomme re naganne mohumagadi wa kgale o hwile."

<sup>113</sup> Gomme o rile, "O a tseba ke eng? Nna le mosadimogatša wa ka re ile godimo letšatši la go latela, go bona ge eba re ka neela khomotšo, pele mo mosong. Gomme o be a dutše kua tafoleng, ka pitšana ya kofi, a no tšhela kofi, gomme yena le monnamogatša wa gagwe ba be ba eja diphae tša go gadikwa tša apola ya seripa sa ngwedi bakeng sa difihlolo." Ke rile...

<sup>114</sup> Ke ba bakae ba ba tsebago se diphae tša apola ya seripa sa ngwedi di lego? Le a tseba, ke gae bjale. Seo e be e no ba... ke a di rata, gomme ke rata kgotlaomone ya mabele godimo ga tšona. Gomme ke lebeletše gohle godimo ga lefelo le bakeng sa kgotlaomone ya mabele. Gomme ge nka bowa fa gape, ke no ya go ntlišetša pakete, gobane ga ke kgone le gannyane go ya ntli le yona. Gomme le a tseba, ke—ke šomiša bontši bja yona, gobane ke mohuta wa Mobaptist, le a tseba. Ga—ga—ga ke dumele gofafatšeng tšona dikuku. Ke no di kolobetša ka moka gohle, gabotse ka nnete. Gomme ke... Kafao ke tšhela kgotlaomone godimo ga tšona, e boima.

Kafao nako yeo o rile, "O be a ej a seo." Ke rile...

Ke naganne, “Ye ke yona.”

Ke rile, “Bjale, ga o re seo.”

<sup>115</sup> “Gabotse,” o rile, “eya thwi godimo kua gomme o iponele wenamong.” O rile, “Yeo e bile mengwaga ye mebedi ya go feta.” Gomme o rile, “Ga a dire feela mošomo wa gagwe mong; o dira mošomo wa moagišani.” Bjale, le a bona, o be a ntherela nako yeo.

<sup>116</sup> Le a tseba, mama wa ka o be a fela a re, “Efa kgomotshadi thapo ya go lekanelo, e tla itekeletša yonamong.” Kafao seo se mabapi le nnete. O bile le leoto la gagwe mong ka molomong wa gagwe mong, nako yeo, ge a rile—a rile, “Eya godimo kua gomme o lebelele.”

<sup>117</sup> Ke rile, “Bjale, lebelela, mohlomphegi. O ra gore dingaka di ripile mosadi yola go bulega gomme ba mo hwetsa ka kankere?”

“Yeo ke nnete.”

<sup>118</sup> Gomme ke rile, “Gomme ba mo roka? Gomme ka gona o ra go mpotsa gore monna godimo kua, dimaele tše lesometlhano go tloga mo, o bone mosadi yola gomme a bolela tlwa se se bego se tla direga ge ba beile sakatuku godimo? Gomme mosadi yola o ile ka godimo ga kankere yela?”

O rile, “Eya thwi godimo kua. Ke tla go botša mokgwa wa go fihla kua.”

<sup>119</sup> Ke rile, “Aowa, aowa. Ke tšeа lentšu la gago.” Ke rile, “Ke tšeа lentšu la gago.” Ke rile, “Ee, mohlomphegi. Ya.”

<sup>120</sup> Ke be ke ej a apola ye, le a tseba, nako yohle, ke e lhahuna. Ke rile, “Yeo ke apola ye kaone.” Ke rile, “Ke nyaka go go botšisa potšiso. Ke eng e dirilego boreku bjola go tlogela mohlare le go ya tlase ka medung?”

<sup>121</sup> “Gobaneng,” o rile, “go be go swanetše, go boloka bophelo bja yona bakeng sa marega.”

<sup>122</sup> Ke rile, “Morago seruthwana sa go latela bo tla morago, go go tlišetša sehlopha se sengwe sa diapola?”

“Nnete.”

<sup>123</sup> Gomme ke rile, “Bjale ke nyaka go go botšisa se sengwe. Ke bohlale bofe bo kitimišetšago boreku bjola, bja re, ‘Fa, ke lehlabula. Eya morago tlase ka medung gomme o iphihle. Ge o sa dire, marega a tla go bolaya. Eya morago tlase ka medung gomme o dule fale go fihla seruthwana. Gomme ka gona ge go ruthela le go no fihla gabotse, bjale etla morago godimo gomme o tlišetše moisa yo diapola tše dingwe gape?’ Bjale, o a tseba bjoo ke bophelo bja dimela. Ga bo na bohlale bja bjona mong. Gona, mpotše ke bohlale bofe bo romelago bophelo bjola tlase ka modung wa mohlare wola. Ga o ne bohlale bja ona mong.”

O rile, “Yeo e no ba tlhago.”

<sup>124</sup> Ke rile, “Gona tšea pakete ya meetse, gomme o e bee godimo ga kota yela ntle fale, gomme o bone ge tlhago e ka a kitimišetša tlase ka go lehlabula la ngwaga, le go a tliša morago ka seruthwane. O a bona? Aowa, mohlomphegi. Ke eng?”

<sup>125</sup> Bjale, ka thoko motsots. Ke tsela ye e filwego ke Modimo. E šoma feela ka tsela ye Modimo a e fago. Segalontšu se lennyane se re, “Eya tlase medung,” gomme bo ya tlase. Bjale, bo dira seo ntle le bohlale bjo bo itšego. Re swanetše go dira eng, ka Modimo wa go swana a bolelago le rena? Rena, eupša re na le tokelo ya go gana goba go amogela, gomme, bontšintši, re a gana. Mohlare ga o kgone go gana. O tseba feela setlwaedi se tee, seo ke, go obamela Mong wa ona.

“Gabotse,” o rile, “ga se nke ka nagana ka seo pele.”

<sup>126</sup> Ke rile, “Ke go botše eng. O nagane ka yona, nako ye telele, ge re sa ya go tsoma. Gomme ge ke bowa morago, o mpotše se e lego... se se botšago boreku bjola bja mohlare go theogela tlase ka medung, le go dula bakeng sa marega, le go bowa morago gape seruthwana se se latelago. Ge o hwetsa ke bohlale bofe bjoo bo laolago bophelo bjola—bjola bja mohlare, gomme bo re, ‘Eya tlase ka modung, gomme o bowe morago,’ ke tla go botša ke Bohlale bja go swana bjoo bo mpoditšego, ‘go ya go bea sakatuku sela godimo ga mosadi, gomme o tla dirwa gore a fole.’”

O rile, “Ke go botše?”

<sup>127</sup> Ke rile, “Ee, mohlomphegi.” Ke rile, “A leina la monna yola e be e le mang? A o a elelw?”

O rile, “Ga ke kgone go le nagana.”

Ke rile, “E be e se Branham?”

O rile, “Leo ke lona.”

Ke rile, “Ke nna Ngwanešu Branham.”

<sup>128</sup> Fale mo lefelong lela o emeletše, o swere diatla tša ka. O rile, “Gatee bophelong bja ka, ke bona se o se rago.” Ke mo hlahletše go Kriste.

<sup>129</sup> Ngwaga wa go feta ke be ke le tlase kua. O fetile, a ya pele. Dikgaogelo tša Modimo! Fale go dutše mosadimogatša wa gagwe, ka tlase ga mohlare, a kela diapola, go tšwa mohlareng wa go swana. Ke sepeletše godimo gomme ka re, “A nka ya go tsoma?”

O rile, “Ga re dumelele go tsoma go itšego.”

<sup>130</sup> Ke rile, “Ke maswabi.” Ke—ke—ke rile, “Ke naganne ke bile le tumelelo.”

O rile, “O hweditše tumelelo go mang?”

Ke rile, “Monnamogatša wa gago.”

Gomme o rile, “Monnamogatša wa ka o hwile.”

Ke rile, “Ga se kgale o hwile, a ga se a?”

O rile, "Ee. Ga se nke a fa batho tumelelo."

<sup>131</sup> Ke rile, "Ntle ka tlase ga mohlare wo wa moapola . . . Ngwaga wa go feta, ke be ke le tlase fa, gomme re be re bolela ka mohlare wo."

O rile, "A ke wena Ngwanešu Branham?"

Ke rile, "Ee."

<sup>132</sup> O lahletše pane ya apola. O rile, "Ngwanešu Branham, o hwile ka phenyo ya Jesu Kriste, bopaki bja gagwe bja mafelelo."

<sup>133</sup> Ke eng? Go no bona, e sego go leka go ya go kgabola dipalontshetshere tšohle tša ka fao e diregago, eupša feela selo se sennyane se bonolo, go bogela Modimo a efa tsela, gomme se sengwe se bolokile ka tseleng. Le a bona, Bohlale bja go swana bjo bo tla rego go mohlare wa semuma, "Eya tlase gomme o ikute bakeng sa bophelo bja gago," bohlale bjola bja go swana e bile Yena Yo a bontšitšego pono ya mosadi. Gomme o e swere. Gomme ga se a kgona go e gana, e tee ya tšona. Fale go eme mohlare, gomme fao go be go le mosadi. Amene. Le a bona? Tsela ya Modimo ye e filwego!

<sup>134</sup> Ešita ga sa nke ba ke ba hwetša tsela e kaone go letsuana go tšwa ka segahleng, go phala go thobola tsela ya gagwe go tšwa. Ga ba ne tsela ye itšego ye kaonekaone. Saense ga se nke ya ke ya kgona go tšweletša e ka ba eng gape. Ge o ka thuba segahla, go mo ntšhetša ntle, go tla mmolaya. O tla hwa. O swanetše go latela tsela ye e filwego ke Modimo, gore a phele. Amene. Seo se šoma godimo ga batho, le sona.

<sup>135</sup> O hlamilwe. A le kile la hlokomba letsuana le lennyane ge le tšwela ka ntle ga segahla? O na le wa go tlaleletša, molomo wo monnyane godimo ga legapi la gagwe, sengwapi se sennyane se sešweu. Gomme moisa yo monnyane ka fale, feela ge bophelo bo thoma go tla, o thoma go kgothula hlogo ya gagwe ye nnyane. Seo se dira eng? Sengwapi sel a se sennyane se ngwapa segahla, le go se sesefatša. Ge a hwetša bophelo bjo bonnyane go fetiša, o thoma go konka ka selo se sennyane sel a. Gomme ka morago ga ge a šetše a le ka ntle ga segahla, ga a sa se hloka gape, kafao se no wela kgole.

<sup>136</sup> Gomme selo seo se dirago, ke tšhireletšo bakeng sa mafelelo a molongwana wa gagwe. Ge go be go se bjalo, o be a tla ba le molomo wa go golofala, gomme a sa kgone go topa thoro ya gagwe. Oo, nna! Tsela ye e filwego ke Modimo ya go phela! Modimo o a mmeakanya, feela tsela go tšwela ka ntle ga fale. Ga go na tsela ye kaone. Eng kapa eng gape e ka mmolaya. O swanetše go tla ka tsela ye e filwego ke Modimo. Bjale, ge o leka go tšweletša ka tsela ye nngwe goba wa naganiša ntle ka tsela ye nngwe, o tla le bolaya.

<sup>137</sup> Seo ke se e lego bothata ka kereke ya Bokriste lehono. E lekile go amogela tsela ye nngwe e tšweleditšwego, sebakeng sa go

betha tsela ya yona go kgabola, go Mmušo wa Modimo. E lekilwe ka tsela ye nngwe, gomme e ka se šome. O bolaya molwetši wa gago. O bolaya lesea la gago—la gago—la gago, lesea la Modimo, ka go leka go hlagiša tsela ye nngwe. “Oo, ga go tlhokego ya se fa hoohoo le go lla. Ga go tlhokego ya sohle *se*, sohle *se*.” Oo, ee, go na le. “Ga go bohlokwa bja go hwa go.”

<sup>138</sup> Ntle le ge go na le lehu, fao go ka se kgone go ba tswalo. Tswalo e tla feela ka kgonthe ya lehu. “Ntle le ge thoro ya korong e wela ka mobung gomme ya hwa, e dula e nnoši.” E swanetše go bola, gomme ya tsena ka tshenyegong, gomme ka gona go tšwa go tshenyego yeo go taboga bophelo. Ga go tsela ye nngwe e tla šomago. E swanetše go senyega pele, gomme ya senyega. Gomme yeo ke tsela ye re swanetšego go ba; go hwa go renabeng le go tswalwa leswa ka Moya wo Mokgethwa.

<sup>139</sup> Aowa, ga se ba hwetša tsela ye e itšego ye kaonekaone go letsuana go tšwela ka ntle ga segahla, go feta go thobola tsela ya yona go kgabola. Yeo ke tsela ye e filwego ya Modimo go yena, gomme o hlamišitšwe go e dira. Modimo o be a ka se fe tsela ntle le go fa sedirišwa sa yona. Kafao O file tsela, le go fa sedirišwa gore letsuana le lokologe ka bolona. Amene.

<sup>140</sup> Bjale, ešita ga se ba ke ba hwetša kgopolo ye e itšego ye kaonekaone ya mapidibidi le magantshe go tla borwa, go tšwa leboa, go phala go kgobokana gomme morago a fofa tsela ya ona go theoga. Ga go tsela ye nngwe. Le a bona, pele a fofela tlase borwa, goba go fofa go tšwa borwa morago leboa, a kgobokane, pele. Pele a tlogela mafelo goba magae a ona, go ya legaeng le leswa, a a kgobokana. Dinose di dira selo sa go swana. Di a kgobokana. Ÿeo ke tlhago. Ke eng? A na le tsošeletšo. Ka moka a a kgobokana gomme a tla mmogo. Ga se wa ke wa kwa lešata le le bjalo bophelong bja gago.

<sup>141</sup> Gomme pele re ka tsoge ra tlogela lefelobodulo le, go ya go le leswa, re swanetše go kgobokana ka tsošeletšong.

<sup>142</sup> Oo, o ya go dikologa sehlopha sa mapidibidi le magantshe, ga se wa ke wa kwa lešata le lentši ka bophelong bja gago bjohle. A na le eng? Tsošeletšo. A lokišetša go tšea go ya sebakabakeng. Amene.

<sup>143</sup> Seo ke se re se hlokago lehono, ke tsošeletšo ya go kgobokana. Ga go tsela ye nngwe; e sego boleloko. Modimo ga a bale bontši. O bala tlhokofalo ka tsela ya Gagwe ye e filwego.

<sup>144</sup> Bjale, ga se ba ke ba hwetša eng kapa eng gape go tšea lefelo la yona. Go be go ka se kgone go ba tsela ye kaonana. Bjale, mohlala go ka reng ge saense e ka re, “Mapidibidi a mannyane a go šokiša. Re no se a nyake a kgobokana gape. Gomme re ya go lahlela nnete godimo ga ona, pele a lokela go kgobokana. Gomme re ya go a hlahlela thwi ka hokong, gomme re ya go a rwalela tlase borwa.”

<sup>145</sup> Seo se swana le, go a kitimišetša ka mokgatlong wo mongwe goba selo se sengwe, le a tseba, go a tsenya hokong felotsoko. Yeo e mo tseleng ya gagwe go ya tlhabong. O a tseba o ya ntlong ya polao ge a tsena ka hokong. Eupša ge a eya ka tsela ye e filwego ke Modimo, o kgole go tloga go yeo. Kafao, mohlomongwe ke be ke se ka swanela go bolela seo. Ke be ke sa e re ka—ka tsela ya go beng go bolela gampe kgahlanong le mokgatlo. Eupša le tseba se ke se rago. Mohlomongwe seo ke sohle . . .

<sup>146</sup> Yeo ga se tsela ya go e dira. O ka se kitimele ka mokgatlong, gomme wa itsenya ka hokong wenamong gomme wa re, “Ke nna Methodist, Baptist,” goba sengwe gape. Seo ga se sona. Aowa, aowa.

<sup>147</sup> O swanetše o kgobokane. Yeo ke nnete. O swanetše go tla lefelong o ka thobolago wenamong go tšwelela.

<sup>148</sup> A, a tla mmogo, gomme a tsena ka hokong ye. Gomme—gomme ge a . . . Ge a dira seo, a a tseba a tseleng go ya ntlong ya polao.

<sup>149</sup> Eupša, bjale, go ka reng ge o be o ka kgona go a bea ohle, wa a hlahla le go a bea ka serobeng, gomme wa a rwalela tlase borwa, wa a lokolla. Gona, pele a ka ba komana go kgobokane, gona wa lahlela nnete godimo ga ona. “Ga re dumele go matšatši a mehlolo.” Le a bona? “Lena mapidibidi a mannyane, le ka se kgone go fofa gape. E be e le bakeng sa mapidibidi a lebaka le lengwe.” Ge feela Modimo a dira lepidibidi, O a dira go swana ohle. Gomme ge Modimo a dira tsela bakeng sa lepidibidi go ya, yeo ke tsela ye mapidibidi ohle a yago.

<sup>150</sup> Gomme le a tseba gore go tla dira eng? Mafelelong go tla bolaya lepidipidi leo. O tla ba boleta kudu, diphego tša gagwe di ka se mele gabotse. A ka se sa fofa gape. Go no swana le motswala wa gagwe wa ntlobobolokelo, radimpana gomme ga go lepidipidi. Le a bona? Ga a na diphego go ikiša godimo ka tšona yenamong. Yeo ke nnete. Le a bona? O tla ba boleta bjalo ka motswala wa gagwe wa ntlobobolokelo, baena ba gagwe ba kerekeleina bao ba sa yego felo. Le a bona? Yeo ke nnete. Le a bona? Yeo ke nnete. Seo ke sohle a tla bago, raboleta wa kgale. O be a ka se tsebe selo ka go fofa a lokologile. Amene.

<sup>151</sup> Seo ke se e lego taba lehono. Re leka go ba tsenya hokong, le go ba botša, “Matšatši a mehlolo a fetile. Gomme o be a sa kgone go itshepa yenamong, maoto a gagwe go tloga mobung. E be e tla mmolaya. O be a ka se phelle botelele kudu.”

<sup>152</sup> Eupša, le a tseba, lepidipidi le lennyane lela le tla re, ge le ka kgona go bolela morago, “Aowa, ke a go leboga.”

<sup>153</sup> “Oo, go bonolo. Ga o na le selo go dira. O ka no dira ka tsela ye o nyakago.”

<sup>154</sup> O tla re, “Ke a go leboga. Ke dira ka tsela ye ke nyakago, gobane go ne se sengwe ka go nna, se a sepela. Amene. Gomme

ke swanetše go dira ka tsela ye ke nyakago.” Gomme motho yo mongwe le yo mongwe yoo a tswetšwego ka Moya wa Modimo, go ne se sengwe se sepela ka go yena. O swanetše go fofela ka go tša magodimong, khuduego tsoko, sengwe se sengwe seo se e dirago kgonthe.

<sup>155</sup> Moisa yo monnyane mafelelong o tla ba bjalo ka kgogo, nonyana ya go ruiwa. O be a ka se kgone go tloša maoto a gagwe go tloga mobung gape. Kafao ge kgogo ka mehla e ka tšwelapele go fofa sebakabakeng, gobaneng, e ka ya gabotse. A ka kgona go ya bohlabela, bodikela, leboa, le borwa, le go bona dilo.

<sup>156</sup> Gomme selo se sengwe, le a bona, o be a no se e dire. Ka baka la gore, tseleng go theoga go tšwa Canada, o topa mehuta ya go fapania ya materiale, dijo tše a bego a ka se di hwetše ge o be o na le yena ka serobeng, go no mo fepa lehea nako yohle. A le kgona go bala gare ga methaladi? Le mmee godimo kua, kafao o no tseba Thutotumelo ya Baapostola, ye e bitšwago bjalo, le mokgwa wa go ya sekolong sa Lamorena, gomme seo e no ba sohle se lego go yona; go patela moreri, gomme o phela ka tsela ye a nyakago.

<sup>157</sup> Eupša, oo, ge o fofa, amene, ge o fofa, o topa godimo go feta thutotumelo ya gago ya kerekeleina. O topa divitamine, vitamine ya semoya ye e agago mmele wo o tiilego, wa go tlala mešifa, ka mafofa a lefego ao a kgonago go go kukela godimo go tloga maotong a gago le go go laetsa dilo tše di tlago. Moya wo Mokgethwa, “Ge Yena, Moya wo Mokgethwa a tlile, O tla laetsa dilo tše go lena, a utolla dilo tše go lena tše Ke le boditšego; gomme o tla le bontšha dilo tše di tlago.” Ee. Aowa, o ka se kgone go mo tsenya hokong le go mo tsea. E ka se šome. Aowa. Ge o mo tsenya hokong, o lebile go bolaweng.

<sup>158</sup> Le motho a ka se tsoge a kgona go kgetha tsela ye kaonana go feta ye a kgonago. O ka no ya gomme wa re, “Bjale, Mna. Lepidipidi, ke tla go botša se sengwe. O ya ka tsela ya go fošagala. O swanetše go ya godimo *mo*, o fetola tsela ya gago. Eya tlase lebopong godimo *mo*, le a ya. Go kaone go feta go ya ka tsela ye o yago.” E no se šome. Aowa. Aowa. Ba nagana ba tseba tsela ye kaonana go feta tsela ye e filwego ke Modimo bakeng sa bona. Eupša, ba a tseba.

<sup>159</sup> Goba, a o ka kgona go ba kgethela moetapele yo mokaonana go feta moetapele mofiwa ke Modimo yo Modima a ba filego? Gomme motho a ka se tsoge a kgona go kgetha pišopo, goba mokgatlo, goba eng kapa eng gape yeo e tla tšeago lefelo la boetapele bja Moya wo Mokgethwa go Kereke. Ga go na selo se sengwe se ka kgonago go e dira. Tsela ye e filwego ke Modimo! Modimo o a file tsela, Moetapele, Moetapele yo a šušumeditšwego.

<sup>160</sup> Gomme moetapele yoo o šušumeditšwe. Gobaneng, ke a bogetše makga a mantši, ge ke tsea leeto la ka pela la go tsoma,

go yela dinku goba se sengwe ge o swanetše go ya ka pela, godimo ka dithabeng. Ebile ga go be le lehlwa. Mohlomongwe, godimo fale, lehlwa le lennyane le tla pipetša thaba. Phefo yela ya go tonya e tla swiela tlase go kgabaganya thaba. Go na le moetapele wa tlhago yo a tswetšwego magareng ga ona. O tla kitimela thwi ka ntle ga letsha lela ka mokgwa wola, gomme a hlaletša makga a mane goba a mahlano, gomme kgobokano šeo e a tla. Ee, mohlomphegi. Ohle a a mo tseba. A mo tseba ka tsela ye a hlaletšago. Oo, nna!

<sup>161</sup> Le tseba se ke bego ke bolela ka sona bošego bja go feta, phalafala ya Ebangedi, ge e efa segalo sa gosehlake. Segalo sa gagwe ga se fe sa gosehl-... Yena ga a fe segalo sa gosehlake. Ke mapidibidi a kgonthe. A tseba segalo sa lepidibidi. Go ka reng ge o no bea kgaka ya kgale ntle fale, goba lekalakune? Mohlaletšo wa gagwe o be o ka se kwagale gabotse. A tseba segalo sa moetapele.

<sup>162</sup> Gomme kerek e swanetše go se tseba. “Ba na le sebopego sa bomodimo, ba gana maatla a bjona,” go ba babjalo, o se ke wa ba dumelela go etapele. “Hlogothata, menagano ya godimo, barati ba maipshino go feta barati ba Modimo, barobadikwano, baphari ba maaka, basekgotsofale,” le banyatši ba mapidibidi ale ao a fofago. Le a bona? Le bona se ke se rago?

<sup>163</sup> Ba—ba tseba segalo sa Ebangedi ya bona. “Dinku tša Ka di tseba Segalontšu sa Ka.” [Ga go selo godimo ga theipi—Mor.] “Mosetsebje di ka se mo latele.” Modimo ka mehla o e netefatša gabotse.

<sup>164</sup> Elang hloko, bjale. Gomme ga ba kgone go hwetša... O ka se kgone go ba kgethela. Go ka reng ge o ile ntle kua, gomme wa re, “Oo, emang motsotsa, mapidibidi a mannyane. Ka kgonthe le phošo. Yena ke lepidipiditona le legolo le lekaone. Nna, o lebega segoši magareng ga lena. Gomme bjale le tseba se ke yago go se dira? Ke ya go tšhela meetse a mannyane godimo ga hlogo ya gagwe, gomme ke ya go mo hlomamiša. Ke ya go mo dira Kgoši Lepidipidi. Gomme ke ya go bea mphaphahlogo godimo ga gagwe, le go mo apeša go fapano gannyane, gore bohle le tle le mo tsebe. Ka mehla latelang moisa yo mo, gobane o rutegile.” Mo tlemolle mogobeng. O kgona go hlaletša kudu ka fao a bego a nyaka go dira. Lepidipidi le lengwe le le lengwe le tla retollela magetla a lona go yena, ka gore o fa segalo sa gosehlake. Ya.

<sup>165</sup> Eupša a nke lepidipidi le lennyane lela le le kgethilewego ke Modimo go ba moetapele, anke le hlaletše, gomme a setše ohle a kgobokana go tsošeletšo. “Moo go lego setoto, dintšhu di tla kgobokana.” O tseba tšohle ka yona. Le a bona? Kafao O—O na le tsela ye e filwego. Gomme mapidibidi a tseba tsela ye e filwego. Go befile kudu monna yola ga a dire. Go lokile. Eupša yeo ke tsela ye e diregago, bjale. Go lokile.

<sup>166</sup> Ge a le moetapele lepidipidi yo a šušumeditšwego, o tla ba tliša lefelong le le filwego ke Modimo go bona. Gomme ge feela re ka theetša se Moetapele a se bolelago, Moya wo Mokgethwa, O tla re tliša thwi morago go Lentšu gape. Yeo ke tsela ye e filwego ke Modimo. Go bapela le tsela ga re hloke dithutotumelo le kerekela, le ngwang wa lešoka. Go na le bjang bjo bo itšego bja lepidipidi le dilo tše re swanetšego go di ja, mapidibidi a a dira, a eya tlase. Gomme go na le dijo tše... Ka kgontha, mama matšoba a Modimo, dibopša tša go tlemelwa legodimong di di jago go bapa le tsela, gomme seo ke, "Motho a ka se phele ka borotho feela, eupša ka Lentšu le lengwe le le lengwe leo le tšwago molomong wa Modimo." Le a bona?

<sup>167</sup> Lepidibidi lela, moetapele lepidibidi, o tla a etapele go ya go lefelo le le filwego ke Modimo, feela thwi go ya Louisiana. Moo, le lengwe la a mangwe le bego le sa tsebe mo le bego le eya, la ya godimo kua le go dikologa.

<sup>168</sup> Ke be ke bala ka go kgatišobaka ya *Life*, e ka ba mengwaga ye meraro goba ye mene ya go feta, moo go bego go le lepidibiditona la kgale le thomilego sehlopha godimo kua. Gomme le be a tleleima gore le be le le moetapele. Gomme selo sa pele le a tseba, a feleeditše a le godimo ka Engelane, ga se a be a tla morago le bjale. Yeo ke nnete. Kafao a swanetše go šetša ke mohuta ofe wa lepidibidi goba lepidibiditona lefe ba le latelago. Kafao ba re, godimo fale ka Engelane... Ona ke bahlaletši ba Canada, le ona. Gomme a ya godimo kua ka Engelane, le gohole tikologong, a kgobokana, eupša ga a tsebe ke tsela efe morago. Oo, nna!

<sup>169</sup> Go befile kudu kerekere e ralokile bontši ka moka bja seo, le yona, ba latetše go tloga lefelong, ga ba tsebe mokgwa wa go boela morago. O re, "Gabotse, re... ke kwešiša gore makgolo o rile, dinako tše makgolo o boletše gore makgolgawwe o boletše, gore ba be ba fela ba eba le ditirelo tša phodišo ka kerekeng. Gore matšatši a mehlolo a fetile," la lesa yo mongwe a le fapošetša tseleng ya phošo. Bokaonana latela tsela ye e šušumeditšwego ya Modimo, tsela e nnoši.

<sup>170</sup> Hlokamelang, lepidipidi le lennyane le, ga go yo motee a kilego a kgona go a fetola tsela go fapano go fe. A tseba moetapele yo monnyane yola o tla ba hlahlela feela tlwa go lefelo le le filwego ke Modimo. Gomme o e dira bjang? Ka didirišwa tša gagwe di filwego ke Modimo. O na le manakana a gagwe ntle, nako yohle, boka re swanetše go ba le, go swara Moya, manakana a rena a semoya.

<sup>171</sup> Bjale, re hwetša gore o tla ya godimo sebakabakeng, tsela godimo ka sebakabakeng. O na le manakana a gagwe ntle. O tseba mohuta wa dijo tše lepidipidi le lennyane le le swanetšego go phela ka tšona, go dira mofofo wo. Kafao ge a topa se sengwe tlasetlase mo mobung, le tla mmona a phaphaselā, gomme o theogela tlase. Sehlopha ka moka se tla tla thwi fase, go no

ba le mogobo wa lešumatho wa go ja. Gomme o tla hlaletša, godimo ka moyeng a tla ya gape, thwi go leba borwa. Yeo ke nnete. Moetapele wa Modimo, moetapele wa Modimo bakeng sa mapidibidi. Yeo ke nnete.

<sup>172</sup> Ke nyaka go bolela se sengwe gape. Le a tseba, ga se nke ba ke ba kgona go hwetša ka sesaense, ba hwetša tsela ye kaonana ya lesea go hwetša se a se nyakago ntle le go se llela. Le a tseba, ga ba kgone go mo ruta go bobola. Gomme ga ba kgone go mo ruta go bolela ka pela bjalo. Eupša le tseba ka fao a e hwetšago? O no tšeа tsela ye Modimo a e filego. O a e llela, mekgoši, gomme a raga, le go goelela go fihla a e hwetša. Le a bona? Yeo ke nnete. Yeo ke tsela e nnoši, ke go llela yona. Ga ba kgone go hwetša tsela ye kaonana e filwego go phala tsela ye Modimo a e filego. Yeo ke nnete. E no e lesa e sepele. Gomme dilo tšela tša tlhago . . .

<sup>173</sup> Ke eme, mo e sego telele go fetile, ka Jeremane, gomme ke be ke bolela le sehlopha se segolo sa batho. Gomme ke rile, "Bothata ke eng ka lena Majeremane? Le a tseba, ke be ke etla tlase mokgotheng, gomme mpša e bogotše, gomme o bogotše ka Seisimane." Ke rile, "Mme o be a leka go potoka lesea la gagwe ntle kua ka koloing, lebakana la go feta, gomme o be a lla, gomme o be a lla ka Seisimane." Ke rile, "Re hlakahlahkanel a eng gohle? Le a bona? Ba ya ka tsela ye e filwego ke Modimo. Gomme re tšwa go tora ya Babele, le a bona, ra hlakahlahkana gohle." Yeo ke nnete!

<sup>174</sup> Go tseba tsela ye e filwego ke Modimo ke tsela ye kaonana. Ga ba tsebe tsela ye kaonana go lesea go hwetša se a se nyakago go feta go se llela. Bjalo ka ge Ngk. Bosworth a fela a re, "Lesea le le llelago kudukudu le hwetša tirelo ye kaonekaone." Ke ka tsela ye e lego.

<sup>175</sup> Seo se ya bakeng sa bana ba Modimo. Nka bapetsa seo bakeng sa lena. Monna o a emelela, godimo, a re, a sohla moti wa gagwe gabotse ka kgonthe, "O a tseba, Tate, ke fa bošegong bjo. Ge O nyaka go mpha Moya wo Mokgethwa, go lokile. Ke fa. Eupša ge O nyaka go mphodiša, ke dutše fa. Eupša ge O sa dire, gobaneng, go lokile. Ke thato ya Gago, Morena." O šetše a ngwadile thato ntle, mo ka Beibeleng. "Ye ke thato ya Gago." Go lokile. Ye ke thato ya Gagwe, thwi mo. "Gomme ge O nyaka ke be le yona, ke tla ba le yona. Eupša, go le bjalo, ge O sa dire, gobaneng, go lokile." O ka se tsoge wa fihla felo.

<sup>176</sup> Eupša a nke yo motee yola a ye kua le go llela ntle, boka Buddy Robinson. O eme bogareng bja tšhemo ya mabele. O bofeletše moula wa gagwe. O rile, "Morena, ge O sa mphe Moya wo Mokgethwa, ge O bowa morago o tla hwetša ntotolo ya marapo e letše thwi fa. Ke ya go dula fa go fihla ke O hwetša." Yeo ke taba.

<sup>177</sup> Modimo ka mehla o digela go batho ba Gagwe, bana ba Gagwe ba go dumela, ka mehla go ya ka tsela ye e filwego ke

Yena. Yeo ke kgopolo ya Modimo, go digela go bana ba Gagwe, tsela ye e filwego ke Yena. Llela se o se hlokago. O nyaka gore o llele ntle.

<sup>178</sup> Ge Petro a thoma go ya ntle, a sepela godimo ga meetse, o naganne o be a eya mmogo gabotse. “Le bona ka mo ke dirago bogolo?” O thomile go nwelela. Ga se a re, “Gabotse, ke a thank a e šitilwe,” go theogela tlase go botlase, dipue di se kae tša tla godimo, gomme seo e be e le sohle sa sona. Le a bona? Aowa, aowa.

<sup>179</sup> O goeeditše ntle, “Morena, mphološe.” Amene. Gomme seatla sela sa Gosafelego se obeeditše fase le go mo topela godimo gape. Gobaneng? O goeeditše ntle.

<sup>180</sup> Ke seo e lego bothata ka kereke. Ga re dule fale botelele go lekanel. Ga re llele ntle botelele go lekanel. Ga re swarelele go yona. Ge lesea le lennyane le nyaka se sengwe, o tla raga gomme a goelela, a fetoga bohubedu sefahlegong. Re a boifa re tla tšea (ke eng, le se bitša eng?) masekara go tšwa sefahlegong sa ren, goba e ka ba eng e lego sona, pente yeo. Le hwetša—le hwetša se le se nyakago go tšwa go Modimo, le tla se tloša, go le bjalo. Kafao, ga la swanela go tshwenyega ka sona. O tla hlakahlakanya moriri wa gago, eupša seo ga se dire phapano e itšego. Aowa. Aowa, mohlomphegi.

<sup>181</sup> Bjale, Modimo ga a re letele go tla go Yena ka polelo tsoko ya bohlale. Ke elelw a ke lekile seo ge ke leka go phološwa. Ke be ke eya go Mo ngwalela lengwalo le go le bea ka sethokgweng, gobane ke tsebile O tla tla go kgabola dikgwa le go mpotša. Ke Mmotše gore ke lewa ke dihlong ka nna mong, gomme ga—ga se nke ke nyaka go e dira. Gomme ke ile tlase kua go rapela. Ke rile, “Bjale, a re boneng. Ke bone seswantšho nako ye nngwe, gore ba swere diatla tša bona ka mokgwa wo.” Ke rile, “Mna. Jesu, ke duma ge O ka tla fa motsots. Ke nyaka go bolela le Wena feela motsots. Ke theeeditše.” Ga go yo motee. Ke rile, “Ke e dirile ka phošo. Go lokile. Mna. Jesu, mohlomongwe ke swanetše go e dira ka mokgwa wo.” Ke rile, “Mna. Jesu, a O ka tla go nthuša? Ke modiradibe. Ke nyaka go bolela le Wena motsots.” Ga go yo a tlago. Ke phuthile matsogo a ka. Ke rile, “Mna. Jesu, a O ka tla fa? Ke nyaka... Ke kwa batho ba re, ‘Modimo o boletše le nna.’” Ke rile, “Mna. Jesu, a O ka tla mo? Ke nyaka go bolela le Wena.”

<sup>182</sup> Nnete, gona diabolo o tla go lefelotiragalo. Yeo ke tsela ye a dirago. A ka no go botša, “Matolo a gago a bohloko. Ga go bohlokwa bja go kgopela, o a bona. Wena leta, e hwetše gosasa bošego.” Ka mehla o tikologong ge o se wa lokela. Gomme nako yeo a re go nna... Eupša ka mehla, se a se bolelago, gaba se a se bolelago. Se gabe.

<sup>183</sup> O rile go nna, “O a tseba ke eng? O šetše o le mengwaga ye lesomesenyane, goba masomepedi a mengwaga bogolo.” O

rile, "O šetše o le bogolo bja mengwaga ye masomepedi. O letile botelele kudu."

<sup>184</sup> Ke rile, "O Modimo, ke letile botelele kudu. Morena, le Wena ga o nkwe, ke ya go Go botša, go le bjalo. Ka mehla ke be ke nyaka go dira se." Oo, ngwanešu, seo se Mo tlišitše go lefelotiragalo. Le a bona? E be e le eng? Ke goeeditše ntle, feela bonolo. Llela ntle! "Morena Jesu, O e tshepišitše, Morena." O tlide go lefelotiragalo.

<sup>185</sup> Yeo ke tsela ya go Mo tliša go lefelotiragalo. O no ba lesea. Lla, llela ntle bakeng sa yona.

<sup>186</sup> O se leke go re, gabotse, kudukudu se sengwe, sengwe, le thapelo tsoko ye kgolo e ngwadilwego o itlwaetšago yona, bakeng sa iri goba tše pedi. Seo ga se dire botse bjo itšego.

<sup>187</sup> Boka ba re, "A o boletše thapelo?" Aowa. Ke sebe go bolela e tee. O rapela e tee. O se bolele e tee. Rapela e tee. "Mpolelele thapelo."

<sup>188</sup> Ke rile, "O se ntirele seo. O ka nthapelela, eupša o se bolele thapelo." Aowa, mohlomphegi. Aowa. E no ba, nthapelele ge o rapela. Go lokile.

<sup>189</sup> Llela ditlhoko tša gago. Yeo ke tsela ye e filwego ke Modimo. A Jesu ga se a e hhalosa ge A rile moahlodi wa go hloka toko, go mosadi yo a goeeditšegeo mosegare le bošego? Ke bontsi gakaakang go fetiša Tate wa Legodimong a tla ba fago Moya wo o goeletšago bakeng sa Ona, mosegare le bošego? Nyakang, tšwelangpele le nyaka. Kokotang, tšwelangpele go kokota. E nong go tšwelapele go fihla A bula. Dulang ntle le yona. Lla go fihla Lentšu le le tshephišitšwego le hlatselwa, gona o a e hwetša. Ga wa swanela go hlwa o tshwenyega gape. Le a bona Beibele e e tshepišitše, gona dulang thwi fale gomme le lle go fihla le e hwetša.

<sup>190</sup> Ge lesea le lennyane le bona khekhe gomme a e nyaka, o no lla, le go lla, le go lla, le go kgomarela, go raga, le go goelela, le go hlaboša, le go ba yo mohubedu sefahlegong. Mmagwe o mo hweletša khekhe, gomme go fedile. Le a bona? O hweditše se a se bonego, se a bego a se nyaka. Ge a nyaka go latswa khoune ya aese khrimi ya gago, o tla no tšwelapele a phagamiša tshele go fihla a e hwetša. Le a bona?

<sup>191</sup> Gabotse, yeo ke tsela ye re swanetšegeo go dira. Ge ke bona tshepišo ka Beibeleng yeo e lego Lentšu la Modimo, gona ke no dula fale le go goeletša ntle go fihla Modimo a mpha yona. Gomme O tla dira seo, a le tloša diatleng tša Gagwe; le a bona, seo se tla ba ka tlhagong. Eupša O nyaka le e dire. O rata le kgopele. "Kgopelang ka go fetiša gore lethabola lena le tlale." Ya. Ya.

<sup>192</sup> Lla go fihla Lentšu la Gagwe le hlatselwa. Bjale, mogwera, a re hlokomeleeng motsotso feela bjale. Lla go fihla Lentšu le hlatselwa.

<sup>193</sup> Bothata bja ntshe ke gore, re hwetša khekhe gomme ra nagana seo ke sohle se lego fao. Go na le tafola yohle e tletše. Re fihla gore re kgone go bolela ka maleme, re re, “Oo, ngwanešu, yeo ke yona.” Oo, aowa. Seo ga se sona. Seo e no ba se sengwe sa yona. Yeo ke nnete. “Oo, ke thabile go lekanelo go goelela.” Seo se sa na le bontši bja sona. Eupša go na le bontši ka moka bja yona. E no tšwelapele o goeletša, go fihla . . .

<sup>194</sup> Yeo ke tsela ye e filwego ke Modimo bakeng sa batho ba Gagwe. Tsela ye e filwego ke Modimo ka mehla ke go tšea Lentšu la Gagwe le go swarelela go Lona go fihla Le hlatselwa go wena. Bjale, a le a ntatela? Modimo, tsela ye e filwego, swarelelang go tshepišo go fihla e dirwa go bonagala go lena.

<sup>195</sup> Gomme, elelwang, ke rekoteng ya se. Gore, tshepišo e ka ba efe ya Modimo ka Beibeleng, ge . . . E dipeelanong bjale. Feela ka gore o a dumela e gona, seo ga se e dire bjalo e tla direga.

<sup>196</sup> Bona Bafarisei le Basadutsei ba be ba no ba bodumedi ka disakramente tšela ka mo ba bego ba kgona go ba. Eupša Modimo o rile, “Di a nkga ka nkong ya Ka.” Le a bona? Go be go se na tlhokofalo. Go be go se selo go yona seo se swanetšego go ba.

<sup>197</sup> O swanetše go tla godimo ga tshepišo ya motheo, gomme ka gona godimo ga mokgwatebelelo wa gago wa monagano go yona.

<sup>198</sup> Lebelelang baprista bale ba makgolonne letšatši lela, goba baprofeta, Ahaba o be a na le ntle kua. Ba rile, “Ramothe-gileada ke ya renna. Joshua, ka Moya wo Mokgethwa, o aroletše ye. Gomme Basiria ba na le yona.” Gomme moprofeta yo motee o rile, “Bjale, lebelelang mo, seo ke therešo motheong.” Bjale, o be a le Mobaptist wa nnete. Gomme o rile, “Yeo ke nnete tlwa. Yeo ke tshepišo ya motheo, tshepišo. Naga yela ke ya renna.” Kafao o itiretše dinaka tše pedi tše kgolo, gomme o rile, “Rotogela fale, gomme o tsee dinaka tše o kgorometše Siria. Yela ke ya Israele.” Yeo ke mnete. Motheong, e be e nepagetše.

<sup>199</sup> Eupša na Mika yo monnyane o boletše eng? A re, “Ke bone Israele e šwalalane bjalo ka dinku di se na le modiši.” Le a bona?

<sup>200</sup> Ahaba, moikaketši yola tlase kua, a dumelala Isebele go mo kitimiša go dikologa, a dira se sengwe le se sengwe. Lentšu la kgonthe la Modimo le etla ka moprofeta, le be le rogakile selo sela. Gomme Modimo o be a ka kgona bjang go šegofatša se moprofeta a se rogakilego ka Leina la Morena? Le a bona? E ka se kgone go ba.

<sup>201</sup> Ga go kgathale ke setšhaba se sekae sa bodumedi gakaakang re lego, re ne bokamorago bjo bontši gakaakang, selo se senyegile le go senyega. Se ile.

<sup>202</sup> Ga go kgathale bophelo bja renna bja mokgatlo ke bjo bogolo gakaakang ka kerekeng, re dumela go yona, e lokile, go lokile, eupša selo se senyegile. Modimo o be a šetše a ba beile šelefong,

gomme šebale ba robetše. Gomme ga se nke le neng ntsekana ya histori yeo motho e ka ba ofe a kilego a tsoga gape. Kafao, ke phošo. E fedile, e phumutšwe. Ga se ya loka.

<sup>203</sup> Lentšu la Gagwe ka mehla ke se A nyakago go se bona se hlatselwa. E tla hlatselwa feela godimo ga maemo a a itšego, fao ke ge o kgotsofatša maemo ao. O bone batho ba ba kgonago go tšea Lentšu la Modimo gomme ba no Le dira le ba phelele. Gomme ba bangwe ba tla thwi morago le Lentšu la go swana gomme ga ba kgone go dira selo ka Lona. Ke godimo ga mabaka. Yeo ke nnete.

<sup>204</sup> Lebelelang mo. Ke tla le laetša mohlala wa seo ka Beibeleng. Israele e be e le tseleng go ya nageng ya tshepišo. Mo go tla Moaba, e bego e le—e be e le bodumedi bja go swana, tlwa. Yoo e be e le ngwana wa morwedi wa Loto. Gomme hlokamelang ge Bileama a etla fase, e be e le Modimo a bolela le yena. O beile dialetara tše šupago, feela boka Israele e bile le dialetara tše šupago. O beile dihlabelo tša go hlweka tše šupago, dipowana mo aletareng. Seo e no ba tlwa se Israele e bilego le sona. Gomme selo se sengwe, o beile dikgapa tše šupago, a bolela ka ga Mesia yo a tlago. Seo ke tlwa se Israele e bilego le sona. Ka motheo, bobedi ba be ba nepile, ka motheo. Eupša e be e le godimo ga mabaka. Amene. O šitilwe go bona tshepišo ya kgonthe ya Modimo.

<sup>205</sup> Seo ke selo sa go swana se bilego ka go tleng ga Kriste. Seo ke selo sa go swana se tlago morago go sona lehono. E leemong. Nnete.

<sup>206</sup> Jobo. Modimo (a dira eng?) a dira tsela ye e filwego. Jobo, moprofeta, o be a hloka mohomotši.

Bjale, theetšang sekgauswi bjale. Nako ya ka e ile kgole.

<sup>207</sup> Jobo o be a hloka mohomotši. Gomme banna ba lekile go mo fa selo seo, gomme ga se ba ke ba kgona go e dira. Ka mehla ba tlošitše Jobo mothalong. Eupša Jobo a tla thwi morago. O be a hloka mohomotši. Modimo o file mohomotši go yena, ge A mo fa pono ya Jesu Kriste. Gomme o goeeditše, “Ke a tseba Molopolodi wa ka o a phela. Molopolodi wa ka,” go ne yo Motee feela, “gomme ka matšatšing a mafelelo O tla ema godimo ga lefase.” Bjale elelwang pono.

O rile, “‘Molopolodi wa ka.’”

<sup>208</sup> O mmontšhitše Kriste. Kriste ke Lentšu. “Mathomong go be go le Lentšu, gomme Lentšu le be le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Gomme ge Jobo, go beng moprofeta . . .

<sup>209</sup> Bjale theetšang. Jobo, go beng moprofeta, Lentšu la Morena le tla go (eng?) moprofeta. Ka go felela. Fao ke mo Lentšu le tlago. Ke ka mokgwa wo o tsebago ge eba ke baprofeta goba aowa. Ba dula ka go Lentšu. Lentšu le utolotšwe go moprofeta. Gomme Jobo o be a le moprofeta. O be a sa kgone go bona bofelo, eupša

ge a bone Lentšu, a le moprofeta, o rile, “Ke a tseba Molopolodi wa ka o a phela,” morago ga ge kereke e šitilwe, morago ga ge se sengwe le se sengwe gape se šitilwe.

<sup>210</sup> Ebile le mosadimogatša wa gagwe wa go ratega o mo šitetše, gomme a nyaka a re . . . “Gobaneng o sa no ya pele le go rogaka Modimo, gomme wa hwa lehu, Jobo?”

<sup>211</sup> O rile, “Wena o bolela bjalo ka mosadi wa lešilo. Morena o file; Morena o tšere; a go šegofatšwe Leina la Morena.” Gomme medumo ya thoma go rora, gomme magadima a bekenya. Moya o tlie godimo ga moprofeta, gomme o bone Lentšu. Ka gona o rile, “Ke a tseba Molopolodi wa ka o a phela. Ka matšatsing a mafelelo O tla ema godimo ga lefase. Le ge diboko tša letlalo di senya mmele wo, efela ka nameng ya ka ke tla bona Modimo. Amene. Ke tla iponela ka bona. Mahlo a ka a tla bona, gomme e sego yo mongwe. Ga se re tliše selo ka lefaseng le, gomme ke bonnate gore ga re tšee selo ntle. Morena o file; Morena o tšere; a go šegofatšwe Leina la Morena.” A Mohomotši! O kgopetše bakeng sa moleloko wa kereke; Modimo a mo fa pono. O kgopetše bakeng sa pišopo go tla go mo fa khomotšo, mopotologi; Modimo o file moprofeta pono. Seo ke se a bego a se hloka.

<sup>212</sup> Israele e be e hloka tsela go tšwa ka Egepeta. Ba be ba hloka tsela ye nngwe, maatla a sešole goba se sengwe, go ba lokolla go tšwa diatleng tša Baegepeta. Modimo o file moprofeta ka Lentšu le le hlatseditšwego la setlogo. Moshe! A ke nnete? Ba be ba nyaka sešole go tsoga le go ba tšeela ntle, le go itiela Baegepeta fase. Eupša Modimo o ba rometše Lentšu, moprofeta ka Lentšu le le hlatseditšwego leo Modimo a le boletšego pele go Abraham, a re, “Peu ya gago e tla diilela ka nageng ye šele. Eupša Ke tla ba etela ka seatla se semaatla,” Lentšu leo Modimo a le boletšego. Ba be ba llela molokolli, gomme Modimo o ba rometše moprofeta ka Lentšu. Modimo o bile le tsela ye e filwego go bolela phapano gare ga modumedi le mosedumele. Gomme Modimo . . .

<sup>213</sup> Bjale, ba bangwe ba bona ba rile, “Gabotse, bjale, ge kotlo e ewa, re tla no ya ka sepetele. Ge kotlo—ge kotlo e ka direga go wa, le tseba se re tla se dirago? Re tla ya go tšea Ngk. Jones. O tla tseba mokgwa wa go e hlokomela.” Ga se ya šoma. Efela, ba be ba le ditswerere. “Gabotse, ge kotlo e ewa, re tla no ya tlase ka tlase ga mobu, ka gare ga lewa, le go tswalela lebat.” Seo se ka se e dire nthatana ya go lokiša. “Re tla dula ka ntlong, gomme ra bea seapešasefahlego godimo ga sefahlego sa rena, le—le go bea dibolayatwatši tše dingwe godimo ga yona.” Ga se gwa dira nthatana ya botse.

<sup>214</sup> Modimo o dirile tsela ye e filwego. Ee. Gomme e be e le (eng?) madi. Modimo o e file, bonolo bjalo ka ge go bonagetše, go tše madi a kwana le go fafatša lemati. Efela, Modimo o rile yeo e be e le tsela ya Gagwe, gomme A e hlompha. “Bohle ntle go tšwa ka tlase ga madi ba hwile, leitšibolo.”

<sup>215</sup> Ge Noage a hlokile tsela ye e filwego, go phološa lapa la gagwe, Modimo o ile a swanelo go aga areka. Ba ka no ba ba agile dikepe tša dikwero. Seo ke se batho ba se naganago lehono. Eupša, le a bona, se e be e le sekepe sa go ikgetha. Go molaleng ba be ba na le dikepe nako yeo, go swana le ge ba na le bjale, eupša se e be e le sekepe sa go ikgetha. E be e le... Ntheetšeng bjale. E be e le sekepe se se agilwego ke Modimo.

<sup>216</sup> Gomme kereke lehono ke tsela ya go swana. E swanetše go ba kereke ye e agilwego ka Beibele. Boitemogelo bja ka ga se go ba moleloko yo mokaonekaone ka kerekeng, eupša maitemogelo ao a agilwego ke Lentšu la Modimo. "Maswao a a tla latela bona ba ba dumelago." Maitemogelo a go agwa ke Modimo, selo se nnoši se ya go go ntšeela godimo. Ke selo se nnoši se yago go le tšeela godimo.

<sup>217</sup> Eng kapa eng e yago go phagamiša ka godimo ga seo, ga ke kgathale ke ba bakae, "Ke tla..." O re, "Lebelela, ke—ke nna Momethodist wa go loka, Mobaptist, Mopresbyterian, goba Mopentecostal." Seo se ka se re selo setee go Modimo.

<sup>218</sup> E swanetše go ba taelo ye e filwego ke Modimo. Gomme woo ke Moya wo Mokgethwa, ka Lentšu. Gomme Moya wo Mokgethwa o ka se tsoge wa laela e ka ba eng eupša Lentšu, gobane Ke Moya wo Mokgethwa. Banna ba šušumeditšwe, oo, ba ngwadile Beibele ka Moya wo Mokgethwa, tsela ye e filwego ke Modimo.

<sup>219</sup> Bjale, Israele e hlokile mo—mo moneelo. Gomme Modimo o ba file ona, le go aroganya modumedi go tloga go mosedumele. Sel o go swana se lehono, modumedi le mosedumele, ba arogantšwe.

<sup>220</sup> Moshe, ke swanetše go tshela bontši bja dinoutse bjale, eupša, Moshe, mohlanka wa go botega wa Modimo!

<sup>221</sup> Bjale theetšang, batala. Ba bangwe ba lena le a nthata, bao ba yago godimodimo ka mengwageng ya bona, theetšang.

<sup>222</sup> Moshe o diretše Modimo ka potego. O be a kgotleletše go popoduma ga bona, le boDathane bohole ba tsogilego gomme ba rile, "O re, go na le banna ba bangwe bao e lego baprofeta ntle ga gago. Ga se wena legakabje le nnoši godimo ga lebopo." Gomme o tsebile o be a na le Molaetša wa Modimo bakeng sa bona. Baekiši ba emeletše godimo.

Moshe o nno re, "Modimo, nka kgona go dira eng?"

<sup>223</sup> Gomme O rile, "Ikaroganye wenamong. Ke tla no metša selo. Tšeang mapara a lena, gomme le yeng ka fale gomme le bone ke lefe le khukhušago. Le a bona? Ke tla le laetša yo e lego moprista, yo e lego moprofeta."

<sup>224</sup> Gomme Moshe o be a hlanketše ofisi go botega. Ka gona ge a godile, mengwaga ye lekgolo le masomepedi o be a sepetše ka go botegela Modimo. Mengwaga yohle ye masomenne ka lešokeng,

o emetše mehuta yohle ya ditlhomaro tša ditšhaba le batho, kgafetšakgafetša. Gomme ka gona go tlile lefelong la go hwa. O be a hloka lefelo la go hwa. Modimo o mo file lefelo godimo ga Leswika.

<sup>225</sup> O Modimo, a nke ke hwe fao, le nna, godimo ga Leswika. Leswika e be e le Kriste, le a tseba. Modimo o file lefelo go Moshe go hwa. Fao ke mo ke nyakago, nna, ke nyaka go hwa. A nke ke hwele ka go Kriste.

<sup>226</sup> Gomme ka gona ge a be a hwile, mmele wa gagwe o robetše godimo kua, o be a hloka barwalalepokisi. Kafao Modimo o file barwalalepokisi, Barongwa. Gobaneng? Ba be ba le Bona ba nnoši ba kgonnego go mo iša moo a bego a eya. Amene. Modimo o file barwalalepokisi. Yeo ke nnete.

<sup>227</sup> Ke itshamile godimo ga Moya wo Mokgethwa, godimo ga Lentšu, tshepišo. E sego go go tseela ntle bakeng sa poloko ye botse ye kgolo. Ba dirile monna wa mohumi ka tsela yeo, eupša o phagamišetša mahlo a gagwe godimo ka heleng. Le a bona? E sego mabapi le poloko ya makgethe. Ga e dire phapano e itšego. Ke nyaka go tšeа tsela ye e filwego ke Modimo. “Bona ba ba lego ka go Kriste Modimo o tla ba tliša le Yena ge A etla.” Yeo ke moneelo. Modimo o diretše moprefeta wa Gagwe wa go botega lefelo go hwela.

<sup>228</sup> Henoge, ka morago ga go sepela mengwaga ye makgolotlhano le Modimo, gomme Modimo o mmoditše, “Henoge, ga o ye go swanelo go hwa. O nyaka go tla godimo Gae? A o hlologetše gae, Henoge?”

O rile, “Ya, Morena. Ke hlologetše gae.”

<sup>229</sup> O rile, “A o sepetše ka go ntlo ya dilomi tlase kua botelele go lekanel?”

O rile, “Ee.”

O rile, “Go lokile, e no thoma go sepela.”

<sup>230</sup> Henoge o be a hloka lelere. Modimo o mo file tselalephefo. Yeo e be e le tsela ya Modimo go yena. O mo file tselalephefo, godimo! Ga se a... O nno ya thwi godimo, ka mokgwa *woo*. O be a se a swanelo go katana, le gatee. A no kitimela thwi godimo; gomme Moya wo Mokgethwa, ka morago ga gagwe, wa mo phagamišetša thwi godimo. O ile thwi godimo ga tselalephefo ya bokgethwa, thwi ka go Mmušo wa Modimo.

<sup>231</sup> Eliya, morago ga ge a sotše moriri wa go kotwa le difahlego tša go pentwa, lebaka la bophelo bjohle bja gagwe, wa Isebele yola, mosadi wa pele, yena le mopresidente wa go tsebega wa nako yeo, yo a beilego mohlala wa go šokiša pele ga batho le go ba dira bohole ba rwalelwé. Gomme—gomme, gabotse, o naganne o be a le yena a nnoši a rerago seo. O nno rwala selo ka tsela ye nngwe le ye nngwe. Gomme o dirile bontši kudu, go fihla a be a lapile, gomme o nyakile go ya Gae. Gomme o tsebile Modimo

o be a etšwa Godimo. O be a hloka thapo go namelela godimo, go tla godimo Legodimong, eupša Modimo o mo rometše koloi ka dipere tše pedi di kgokilwe go yona. Yeo ke tsela ye e filwego ke Modimo go mo tšea. A ka no ba a be a lebeletše thapo, eupša Modimo o rometše koloi. Yeo e be e le tsela ya Gagwe. Joshua . . .

<sup>232</sup> Gomme mafelelong a tsela, bjoo e be e le bofelo bja Eliya. Yola e be e le Noage. Bjoo e be e le, nako yohle, bofelo.

<sup>233</sup> Bjale, Joshua, ge a etla bofelong bja tsela, go kgabola lešoka, šetšang, o hlokile leporogo go tshela Jorodane, go ya ka nageng ya tshepišo. Modimo . . . O, o be a hloka leporogo. Eupša tsela ya go fiwa ke Modimo e be e le maatla, e sego leporogo. O rometše maatla, gomme A swara noka morago. Gomme a sepela go kgabaganya godimo ga naga ya go oma. Yeo e be e le tsela ye e filwego ke Modimo, e sego leporogo. O be a na le Raentšeneere yo mokaonana. Kafao, O nno mo romela maatla, a kgoromeletša meetse morago go fihla a sepelela godimo ga naga ya go oma.

<sup>234</sup> Daniele, bakeng sa morero wa Modimo, o lahletšwe ka legolong la ditaú. O be a hloka legora, eupša Modimo o mo rometše Morongwa. A phapano! Yeo e be e le tsela ye e filwego ke Modimo. O be a hloka legora, eupša Modimo a mo fa Morongwa. A legora le lekaonana e bego e le lona! Ka mehla o go fa bokaonana go feta o se kgopelago, ka mehla. Ee. O be a hloka legora; Modimo o ile a mo romela Morongwa.

<sup>235</sup> Bana ba Bahebere, ba be ba hloka meetse tsoko, go tima mollo woo. Eupša Modimo o ba rometše Monna wa bone. Seo ke sohle ba se hlokilego. O bofollotše diatla tša bona, gomme a bolela le bona. Ba sepeletše ntle ka ntle ga go nkga ka mollo godimo ga bona. Ba be ba hloka meetse; O rometše Monna wa bone.

<sup>236</sup> Banna ba bohlale godimo ka Babilonia, godimo ka India, ba tsebile gore se sengwe se lokela go direga. Ba tsebile Kgoši o be a tswetšwe, gomme ba hlokile khamphase. Modimo o ba rometše naledi go ba hlahlela go Kgoši. Le a bona? Ba ile ka tsela ye e filwego ke Modimo. Ke no eleletša ba bagwe ba bona ba re, “E re, Belesatsara, o a tseba, o monna yo mogolo. A o tlide le khamphase ya gago?”

O rile, “Aowa.”

“Gabotse, o ya go fihla fale bjang?”

“Ke ya ka tsela ye e filwego ke Modimo.” Yeo ke tsela.

“O ya go fihla kua bjang?”

“Tsela ye e filwego ke Modimo.”

“Ke eng?”

<sup>237</sup> “Naledi yela, yeo ke yona. Yeo ke tsela ye e filwego ke Modimo bakeng sa rena.” Ba be ba hloka khamphase, gomme Modimo o ba fa naledi.

<sup>238</sup> Lefase le hlokile Mophološi letšatši le lengwe, gomme Modimo o file Morwa wa Gagwe. Ge A etla, O be a sa hlokomelwe. O be a sa nyakwe. Ba rile ba nyakile Mophološi. Eupša ge Modimo a Mo rometše ka tsela ya Gagwe...Ba kgopetše kgoši; Modimo o ba fa Lesea. Ba nyakile monna yo maatla go gatela Roma ntle. Modimo o ba fa le lennyane, Lesea la go lla ka bobolokelong. Le a bona? Eupša e be e le tsela ye e filwego ke Modimo. Re...Eupša ba be ba sa e nyake ka tsela ye Modimo a bego a nyaka go e romela. Ba e nyaka ka tsela ye ba bego ba e nyaka. Le a bona? Kafao, kagona, ba ile ka go tlhakathhakano gobane ga se ba amogela tsela ya Gagwe. Go bile le ba bangwe bao ba dirilego.

<sup>239</sup> Le e be e le lefelotswalo la Kereke, le bego le le ka Pentecost, ka morago ga ge Jesu a ba romile go “Yang ka lefaseng lohle gomme le go rera Ebangedi go sebopiwa se sengwe le se sengwe. Maswao a a tla latela bona ba ba dumelago.” O be a ba boditše se ba ka se dirago. O ba boditše go ya godimo, toropokgolo ya Jerusalema, le go leta. Ba nyakile kwano. Ba nyakile kwano. Ba be ba nyaka go thala thutotumelo. Modimo o ba fa Moya wo Mokgethwa. Oo! Ba be ba hloka kerekeleina, eupša Modimo o ba fa Moya. A phapano, ka fao Modimo a e dirago! Moya wo Mokgethwa e be e le tsela ye e filwego ke Modimo go etella Kereke pele, e sego pišopo. Moya wo Mokgethwa, seo e be e le, seo e be e le kwano ya bona. Gomme go tloga letšatši leo, go ya go le, e bile kwano ya ngwana yo mongwe le yo mongwe wa thereso a tswetšwego gape: Moya wo Mokgethwa.

<sup>240</sup> Bjale, ka morago ga mengwaga ye dikete tše pedi, bagwera...Re a tswalela. Bjale, ka morago ga mengwaga ye dikete tše pedi, motho o ikemišeditše go ba le tsela ya gagwe. O itiretše kwano yenamong. O itiretše melaoboitshwaro ya madirwakemotho yenamong. Gomme o dirile eng? Fao go tlie gwa ba, ka yona, go wa mo gogolo kgole go tloga go Therešo. Ba arogetše go...Batho ga ba tsebe ba dire eng. Dithutotumelo, dikerekemaina, mehuta yohle ya diism, maikutlo, gomme yo mongwe le yo mongwe o re, “Beibele e bolela se.” Ba tla tsea karolo *ye* ya Lona, eupša ba ka se tše karolo *yela* ya Lona. Ga ba latele kwano, kagona ba lahlegelwa ke tsela. Gomme ka morago ga mengwaga ye yohle, ge re na le mekgatlo ye makgolosenyane le metšo ya go fapana ya Bokriste, gomme yo mongwe le yo mongwe a ahlola yo mongwe, gomme a re, “Ye ke nnete, gomme ba phošo; gomme *ye* ke nnete, gomme *yeo* ke phošo,” le go ya pele. Gomme batho ba go šokiša ba gakanegile kudu ga ba tsebe se e lego nnete le phošo.

<sup>241</sup> Re hloka eng? Re hloka go tla morago tseleng, go ya morago go kwano. Re hloka eng? Re hloka la mmapale, leswao la Therešo la Lengwalo. Therešo ye e hlatsitšwego ya Ebangedi ke se Kereke e se hlokago bakeng sa tsela ye ya nako ya bofelo. Modimo o tshepišitše go ba fa leswao la letšatši le la mafelelo.

<sup>242</sup> A le elelwa ge Jesu a be a bolela gomme o rile, “Kgošigadi ya borwa e tla tsoga mo letšatšing la mafelelo, o tla tsoga le go ahlola moloko wo?” O tšwa dikarolong tša kgolekgole tša lefase, go kwa bohlale bja Salomo. O be a na le moy a wa go hlatha. Ka fao a tlidego bokgole bjo, go bona moy a wola wa go hlatha! O rile, “Yo mogolwane go feta Salomo o fa.”

<sup>243</sup> O rile, gape, “Bjalo ka go... boka moprofeta Jona. Jona, bjalo ka ge a be a le mpeng ya hlapikgolo matšatši a mararo le mašego, go bjalo Morwa wa motho o swanetše go ba ka pelong ya lefase, matšatši a mararo le mašego.” Gomme O rile, “Moloko wo mobe le wa bootswa o tla nyaka leswao.” Ge le e se leswao lela, goba moloko wola, ga ke tsebe moo o lego: wa go fokola, o mobe, wa go ya kerekeng, moloko wa diotswa. Ba tla nyaka leswao, gomme O rile ba tla le hwetsa. “Ka gore bjalo ka ge Jona a bile mpeng ya hlapikgolo matšatši a mararo, go tla ba bjalo ka Morwa wa motho ka pelong ya lefase.” Eupša go tla ba le tsogo, boka Jona a etšwa mpeng ya hlapikgolo.

<sup>244</sup> Maleaki, tema ya 4, o re tshepišitše gore ka matšatšing a mafelelo, gore, “Go tla tla pele Molaetša wo o tla bušetšago dipelo tša bana morago go Tumelo ya botate, Tumelo ya setlogo ya botate.” Ba e tshepišitše. Jesu o e tshepišitše. Tumelo ya badumedi ba nako ya bofelo e tla bona leswao la Bomesia la setlogo. Hlokamelang. Ge A tsogile go tšwa bahung, gomme dithutotumelo di Mmeile ka ntle, mengwaga ye yohle, gomme di ganne Therešo yeo, gona selo se re swanetšego go se lebelela, ka matšatšing a mafelelo, ke go retologeleng morago go tu—tu Tumelo ya setlogo, morago go Tumelo ya botate ba pelepele ba pentecostal.

<sup>245</sup> Gomme ba bone tsogo ya Gagwe. Gomme lehono re bona tsogo ya Gagwe, leswao la tsogo ya Gagwe. Jona, matšatši a mararo le mašego a be a le mpeng ya hlapikgolo, gomme ka letšatši la boraro o tsogile go tšwa go hlapikgolo. Jesu o tsogile go tšwa bahung, morago ga go ba matšatši a mararo mpeng ya lona. Mengwaga ye dikete tše pedi O be a se gona go tšwa kerekeng. Eupša O tshepišitše, ka Joele, “Tše mogokong o di šiilego, phatakalala e di jelego. Eupša Ke tla bušetša, go rialo Morena, tšohle tše mogokong, le phatakalala, le tšie, le go ya pele, di jelego godimo. Ke tla e bušetša ka matšatšing a mafelelo.”

<sup>246</sup> Moprofeta o rile, “Go tla ba le Seetša nakong ya mantšiboa.” Letšatši la go swana le phadimago ka bohlabela le phadima ka bodikela. E bile letšatši, letšatši la leswiswi. Ba tšoenne, le go bea dithutotumelo le dilo. Eupša nakong ya mantšiboa go tla ba le Seetša: letšatši le le swanago, dipolo tše di swanago, maswao a go swana, matete a go swana, nako ya mantšiboa.

<sup>247</sup> O netefatša bjang Yenamong go ba Mesia? Bjale, potšišo ke, ka morago ga mengwaga ye dikete tše pedi tša go hamola kgahlanong le yona, a O sa le Mesia? Gabotse, se A bego a le

sona nako yeo, Bahebere 13:8 e rile, "O a swana maabane, lehono, le go ya go ile." Se A bego a le sona nako yeo, O swanetše go swana lehono. O netefatša bjang Yenamong go ba Mesia? Go ya ka Lentšu la Modimo. "Ka gore Modimo o rile," ka Moshe, "Morena Modimo wa lena o tla tsoša moprofeta wa go swana le nna."

<sup>248</sup> Ke ka baka leo mosadi mo sedibeng, ge A mmoditše dibe tša gagwe, "Gobaneng," o rile, "Mohlomphegi, ke a bona O moprofeta. Re a tseba ge Mesia a etla O tla re botša dilo tše."

O rile, "Ke nna Yena, yo a bolelago le wena."

<sup>249</sup> O kitimile ka pela gomme a botša batho ka toropongkgolo. "Etlang, bonang Monna Yo a mpoditše se ke se dirilego. A yo ga se yena Mesia?" Gomme batho ba e dumetše, ka gobane ba be ba lebeletše leswao lela la Bomesia, mengwaga ye makgolonntle le moprofeta.

<sup>250</sup> Jesu o rile, "Bjalo ka ge go bile matšatšing a Loto, go tla ba bjalo ka go tleng ga Morwa wa motho," ge Modimo a ikutolla ka Boyena ka mmeleng wa nama, a ej a na—na nama ya namane, o nwele maswi go tšwa kgomong, gomme a dula fale pele ga bona. Modimo, Jehofa, Yena a bonagaditše ka nameng, ka magetla a Gagwe a šotologetše tente, le go bolela se Sarah a bego a bolela ka sona ka tenteng.

<sup>251</sup> "Go tla ba Seetša nakong ya mantšiboa." Lentšu la Modimo le le hlatsetšwego ke leswao la letšatši leo re phelago ka go lona. E tla ba Seetša. Gomme O tshepišitše, ka Maleaki 4, go kgabola mafelo a mantši a Beibele, gore batho ba nako ya bofelo ba tla bona ponagalo ya go swana yeo ba e bonego, ka gore A ka se kgone go fetola leswao leo. O le tshepišitše.

<sup>252</sup> Bjale, re Mo kwele a bolela ka maleme godimo ga Khalibari. Re Mmone a dira dilo tšohle tše A di dirilego. Re bone Kereke ya boapostola morago kua mathomong, ka fao Kereke yela ya boapostola, mesepele ye ba e dirilego. Re e bona e retologela thwi morago ka go Kereke gape mo ka matsatšing a mafelelo. Ke eng? Ke Modimo, a hlatsela, go no swana le ge A dirile go Moshe, go swana le ge A dirile go kgabola mabaka. O file tsela gore re se forwe, gore re tle re tsebe. Jesu o rile, ka go Johane 14:12, "Yo a dumelago go Nna, maswao ao Ke a dirago, mediro ye Ke e dirago, o tla e dira le yena." Yeo e tla ba yona. Bjale, ge A hwile gomme O hwile, gona yona mediro e fedile. Eupša ge A phela gape, gona mediro ya Gagwe e tšwelapele bjalo ka ge e bile, gobane O a swana maabane, lehono, le go ya go ile. Le dumela seo?

<sup>253</sup> Theetšang. A ke bolele se: Jesu o netefaditše O be a le Mesia, ka maswao a Beibele a Mesia. O e netefaditše. O be a le. Bjale, a nke Modimo a ntumelele go netefatša bjale gore O sa swana. A le a e dumela? O le netefaditše. O be a le. O netefaditše gore O be a le. A nke nna, ka mogau wa Modimo, ke netefatše gore O gona.

O netefaditše gore O be a le. Bjale a re netefatšeng gore O gona. Seo ke tlwa se A se tshepišitšego. Seo ke se A se boletšego. Yeo ke tsela ye A e boletšego. “Gomme maswao a a tla latela bona ba ba dumelago.”

<sup>254</sup> Ke eng? Tsela ye e filwego ke Modimo, tsela ya tsogo. Selo se se tlišago motho go tšwa go bošilo bja gagwe, go ya ka go Seetša sa Ebangedi; go mo tliša go tšwa bjokong bja bohlale, boka mmušo tsoko wo mogolo wa motšhene, le go kokobetša pelo ya gagwe pele ga Modimo.

<sup>255</sup> “Gabotse,” o re, “monna yola ke setswerere kudu, Ngwanešu Branham. O bile le digrata tše nne. O na le Grata ya Bokgabo. O na le sohle se.” Ga ke tshwenyege se a nago naso. O tla swanela go lebala se sengwe le se sengwe a ithutilego, gore a tsebe Kriste. Yeo ke nnete. O tla swanela go ikokobetša yenamong le go ya kgole go e ka ba eng lefase le mo dirilego.

<sup>256</sup> Gomme le ithuta Kriste ka boikokobetšo, go Mo dumela. Ke nako ya mantšiboa. Ke boletše eng godimo mo, mathomong? E be e le eng se ke boletšego ka sona mo? *Go Amogela Tsela Ye E Filwego Ke Modimo Mo Nakong Ya Bofelo*. Yo mongwe le yo mongwe wa banna ba, nako ye nngwe le ye nngwe go kgabola Beibele, ka tlhago, re a bona . . .

<sup>257</sup> Bjale, Modimo ga a tše mohlare lehono, le go o dira se sengwe gape, gomme morago gosasa a o dira se sengwe gape. Aowa. O a dira, lehono—lehono, boreku bo ya tlase, gosasa bo tla morago ka tsela ye nngwe, gomme nako ye e latelago A ba le yona e gogela boreku ntle? Aowa.

<sup>258</sup> O dula thwi go taba. Gomme yo mongwe le yo mongwe wa banna ba re boletšego ka bona, go kgabola Beibele, Modimo o dutše thwi ka lebaka la Gagwe le bona, tlwa ka Lentšu la Gagwe. E sego yo motee wa bona eupša se se bego se le tlwa godimo ga Lentšu la Gagwe, gohle go kgabola Beibele, tlwa godimo ga Lentšu la Gagwe.

<sup>259</sup> Ka gona ge o re, “Gabotse, ke tlwa godimo ga Lentšu la Gagwe,” ka gona O hlatsela seo go ba Therešo.

<sup>260</sup> Bjale O sa le tseleng, bosegong bjo, ge re ka no e dumela. A le tla e dira? [Phuthego e re, “Amene.”—Mor.]

<sup>261</sup> A re inamišeng hlogo ya ren a. Bjale, feela ka tlhomphokgolo ka mo le kgonago go ba, nakwana.

<sup>262</sup> Tsela ye e filwego ke Modimo, gore A kgone go tliša badumedi go Tumelo ya Tlhatlogo. Tsela ya Modimo, tsela ya Gagwe e filwego, go tliša badumedi go Tumelo ya Tlhatlogo.

<sup>263</sup> Pele ke dira pitšo ya aletara, ke tla rata go bolela se. Ke ikwela go hlahliliwa go dira se. A go na le batho ba ba babjago ka ntlong? Emišetša seatla sa gago godimo.

<sup>264</sup> Ke ya go le kgopela ka kgopelo homolang, dulang tuu, motsotsotso feela boteletšana. Bjale, re tla be re le ntle ka go

metsotso ye mehlano gape, ge le no ba tlhomphokgolo ka kgonthé.

<sup>265</sup> Bjale, le a bona, wena, ge o šitiša, o šitiša yo mongwe.

<sup>266</sup> Ke na le selo ka moka ka tlase ga taolo ya Moya wo Mokgethwa. Ke swanetše go ba le yona, gore ke dire se. Modimo o dirile tshepišo. E be e se nna. E bile Yena yoo a dirilego tshepišo.

<sup>267</sup> Bjale, bokgole bjo ke tsebago, go na le batho ba bangwe mo ba ke ba tsebago. Go na le ba bangwe ke sa ba tsebego. Gabotse ke kgona go bona ka ga, ke a nagana, e ka ba batho ba bane bao ke ba tsebago. Gomme yo mongwe wa bona ke Ngwanešu Williams fa, le Ngwanešu Rose. Ke a ba tseba. Gomme Mme Sharrit o dutše godimo mo lebating. Nna, nnete, ke a mo tseba. Kgaetšedi Williams šo o dutše mo. Ke a mo tseba.

<sup>268</sup> Gomme mohumagadi yo a dutše go thwi mo, e ka ba methaladi ye mebedi pele ga ka mo, o šoma lebenkeleng la diphahlo tša go oma, gomme ke mogwera wa lapa. Ga ke tsebe leina la gagwe, eupša ke a dumela ke leloko la kereke ya Ngwanešu Outlaw godimo kua. Ke nagana seo se lokile.

<sup>269</sup> Gomme ka gona ke bona Ngwanešu Dauch le Kgaetšedi Dauch, go tšwa Ohio, ba dutše mo. Ke kwele Ngwanešu Sothmann, moragorago kua felotsoko, a re “amene,” lebakana la go feta. Ke a šetša. Seo e ka ba bohole tše ba ke ba bonago le go ba tseba ka mo.

<sup>270</sup> Ke ba bakae ba lena bao le babjago, gomme le tseba gore ga ke le tsebe, phagamišetša diatla tša gago godimo, yo a tsebago gore ga ke tsebe selo ka wena, phagamišetša seatla sa gago godimo. Go lokile. O no ba le tumelo bjale gomme dumela.

<sup>271</sup> Bjale, ge ke le boditše Therešo, Modimo o a tlamega go hlatsela Lentšu leo go ba Therešo. A yeo ke nnete? Ke nnete. Bjale, yeo e tla ba tsela ye e filwego gona, go ya ka se ke se boletšego bošegong bjo. Yeo ke tsela ye e filwego ke Modimo go le botša, “Ye ke Therešo.”

<sup>272</sup> Gobane, mang kapa mang o a tseba gore ga go kgonege ka go felela. E tla ba mohlolo woo saense e ka se kgonego go o hlaloša. O ka se kgone go hlaloša mohlolo. O ka godimo ga tlhalošo. Gomme ge Modimo a ka bolela ka mo, bošegong bjo, go motho yo motee yo a tla tsebago gore ke be ke le mosetsebjé go bona, le go ba botša se ba bego ba tla be ba se dirile, goba se ba bego ba se ba swanelia go be ba se dirile, goba se ba tlago go se dira, goba se ba swanetše go se dira, goba se sengwe, feela boka Jesu a dirile ge A be a le mo lefaseng. O itirile ka Boyena go tsebja go setšhaba gore leo e be e le leswao la Bomesia. Ke ba bakae ba tsebago seo, e reng, “Amene.” [Phuthego e re, “Amene”—Mor.] Ka gona, kereke e a le dumela. Yeo ke tsela e nnoši. Batho, ge A dirile seo, ba . . .

<sup>273</sup> Mosadi o kgwathile morumo wa kobo ya Gagwe. O retologile go dikologa, a re, “Ke mang a Nkgwathilego?” Nameng, ga se A mo kwa, eupša e bile tumelo ya gagwe yeo e e dirilego.

<sup>274</sup> Bjale, o ka kgona go ba le mohuta woo wa tumelo ge o ka no rapela gomme wa re, “Morena Jesu, tloša pelaelo ye nngwe le ye nngwe go tloga go nna. Tloša dipelaelo tša ka, gomme anke ke dumele se. Ke a hloka ka tlhokofalo. Gomme ke a tla, bošegong bjo, ka gore Beibele e bolela gore Jesu Kriste ke Moprista yo Mogolo yo a kgonago go kgwathwa ke dikwi tša mefokolo ya rena.”

<sup>275</sup> A le be le tseba, leswao le, mohlolo wo, ga se wa dirwa ka go histori ge e sa le lehu la moapostola wa mafelelo? Yeo ke nnete. Ke sa tšwa go tla go kgabola di—di . . . dipuku tšohle tša histori tše ke tsebago ka tšona, Hislop’s *Babylons*. Ke tlie go kgabola *Foxe’s Book of the Martyrs*. Ke tla go kgabola botate ba pre-Nicene, Nicaea Council, le post Nicaea. Ke tlie go kgabola tšohle dipuku tšela. Ga go lefelo le tee ke le bonego, ka go histori ya Martin Luther, John Wesley, tsošeletšo ya mathomo, tsošeletšo ya Wales. Ba be ba lla, ba goeleta, ba tumiša Modimo, mafelelong ba wela ka go go bolela ka maleme. Gomme ka gona se se be se swanetše go ba leswao la mafelelo. Seo e bile selo sa mafelelo se Sodoma e se bonego pele e ka tšhungwa.

<sup>276</sup> Gomme elelwang, ga se A e utolla go Sodoma. O e utollotše go Abraham, mohlaolwa le mokgethiwa. Gomme mpho ga e ye go dikereke tša lefase ntle mo, ge le ka hlokomela. E ya go Kereke ye e kgethilwego. Yeo ke tšona tšeio di holegago ka yona. Ke bona ba tla e amogelago.

<sup>277</sup> Ge e ka dirwa ntle kua, ba tla bolela selo sa go swana ba se dirilego ge A e dirile, “Ke Beletsebubu, mmolelelamahlatse.” Gomme mang kapa mang o tseba ka mmolelelamahlatse, o a tseba seo ke—seo ke selo sa go gafa le ebile go se bolela. Ga ba tsebe molawana wa mathomo wa go bala monagano goba go bolelamahlatse. Woo ke mošomo wa diabolo, go leka go kopiša modiro wa Modimo.

<sup>278</sup> Modimo o bontšha moprofeta; diabolo o ne sedupe. Bobedi gabotse di kgauswi mmogo. Jesu o rile go tla nyaka go tlaetša Bakgethiwa, ge go kgonega. Ke therešo. Re na le bontši—bontši bja boekiši. O rile, “Bjalo ka ge Jamboro le Janne ba emelane le Moshe, go tla ba bjalo banna ba ba megopolu ya go senyega, dinganga mabapi le Therešo. Eupša bošilo bja bona bo tla hwetšwa ntle.”

<sup>279</sup> Bjale, Leineng la Jesu Kriste, Morwa wa Modimo, ke tšeela batheeletši ba ka tlase ga taolo ya ka, eupša bakeng sa Moya wo Mokgethw a, ka Moya wo Mokgethw a, Leineng la Jesu Kriste.

<sup>280</sup> Ke a le kgopela, bjalo ka badumedi, le se šuthe. Dulang tuu. Gomme le a dumela gore Jesu Kriste o a swana maabane, lehono,

le go ya go ile, gore ke mo go dira go tsebja mediro ya Gagwe le ditsela tša Gagwe.

<sup>281</sup> Ke be ke dikadika kudu go dilo tše, ye lesometlhano, mengwaga ye lesometshela ke bilego tšhemong. Eupša go ne iri e etla bjale ge se sengwe se lokela go direga. Molaetša o tla ya go setšhaba se sengwe, batho ba bangwe. Eupša ge re sa le ka Bogoneng bja Sephedi se Sekgethwa sa Gagwe... Kereke ka Amerika, ke a dumela, e no ba go nyakile go biletšwa ntle. O fedile, O hlatswitšwe, O komana, Kereke ya kgonthe. Boikaketši bo sa dutše bo kgatlampana. Eupša Kereke ya therešo e be e le Kereke ya therešo, sa mathomo, ya go tswalwa gape, ye e kgethetšwegopele go pitšo ya Modimo.

<sup>282</sup> Ge o dumela ka pelo ya gago yohle, Ke kgopela wena go rapela le go re, "Morena Jesu," ka pelong ya gago, "a nke ke kgwathe kobo ya Gago. Gomme ke tla tseba bjang gore O sa le Moprista yo Mogolo wa go swana? Bolela le nna ka dipounama tša Ngwanešu Branham. Gomme ge a mpoditše Therešo, yeo, ke dumela o nayo."

<sup>283</sup> Eba le nnete go bolela seo ka thapelang ya gago, gobane O mpoditše, "Ge o dira batho go go dumela." Yeo ke e nnoši... le... Ga se A kgone go dira mediro ye mentši ye maatla, gobane ga se ba Mo dumela. Le se ke la ntumela bjalo ka Yena, eupša dumelang gore O nthomile. Gomme ke mo go bonagatša Yena. O netefaditše gore O be a le. A nke Modimo a nthuše go netefatša gore O tsogile bahung, Mesia, wa go swana maabane, lehono, le go ya go ile.

<sup>284</sup> Bjale e nong ba thapelang. Ke šeditše le go leta. E nong go rapela. Gomme ge Morena a ka e fa, gomme o tla netefatša go lena gore le ke leswao la nako ya bofelo, a le tla sepela Seetšeng? A le tla Mo dumela, go ba le tumelo ka go Yena? Ga se Yena mohlomphi wa motho. E nong go ba le tumelo, gohle go bapa, mogohle. Bjale, ge le sa na le dihlogo tša lena di inamišitšwe, ke leboga Morena.

<sup>285</sup> Seetša sela sese seo le se bonago ka seswantšhong. O thwi fa ka kamoreng ye bjale. Gomme ke a Se bona thwi ka thoko ga mosadi yo a dutšego go le letona la ka. O rapelela morwa yo a lego bothateng. Feel a belaele. Eba le tumelo.

<sup>286</sup> Go la nngele la ka fao go mosadi, gomme o tšhogile. O boifa gore o na le kankere. O šikinyegile kudu ka yona. Ke a holofela ga a e foše. Mosadi o lekile, lebaka le letelele, go gatelela tsela ya gagwe ka gare. O a boifa. Ga a tšwe mo. O tšwa go toropokgolo ye nngwe. Gomme toropokgolo ke toropokgolo ye nnyane go feta ye, le ge e robetše borwa go tloga mo. E ka thoko ga thaba. Ke Tucson. Leina la mohumagadi ke Mdi. Bach. O a dumela? A o tla amogela phodišo ya gago? Go lokile. O se sa e boifa gape. Tumelo ya gago e go dira o felele.

<sup>287</sup> Mohumagadi ka leina la Mdi. Hushey. O se lebale. Modimo a ka netefatša morwa yola wa go hloka molato, ge o ka dumela ka pelo ya gago yohle. O se belaele. Eba le tumelo. Dumela.

<sup>288</sup> Mohumagadi a dutšego godimo fa ka lehlakoreng go la ka le letona, o sotlega ka bothata bja pelo. Leina la gagwe ke Mdi. Cloud. Ge o ka dumela ka pelo ya gago yohle, wa amogela phodišo ya gago, Ramaatlakamoka Modimo o tla go dira o fole. A o tla e dumela? Go lokile. O dumela ka pelo ya gago yohle.

<sup>289</sup> Mohumagadi moragorago fa go la ka le letona, ka go mothaladi wa letsogo le letona, a apere roko ye ntsho. Mdi. Yates, dumela ka pelo ya gago yohle, gomme bothata bja gago bja mokokotlo bo tla tloga go wena. Oo, nna!

<sup>290</sup> Le a Mo rata? [Phuthego e re, "Amene."—Mor.] A le a Mo dumela? ["Amene."] A O a swana maabane, lehono, le go ya go ile? ["Amene."] Bjale, ge A netefatša seo, gomme le bona gore ke nnete, gomme batho bale ba tla bea bohlatse ga se nke ka ke ka ba bona bophelong bja ka.

<sup>291</sup> Eupša, lebelelang, bjale, ge le ka tšeа lentšu la ka bakeng sa se ke se bolelago, ge o ka dumela ka pelo ya gago yohle le go bea diatla tša lena godimo ga seng sa lena, o tla fodišwa ge o ka no e dumela ka pelo ya gago yohle. Ke leswao la nako ya bofelo.

<sup>292</sup> Bjale beang diatla tša lena godimo ga seng sa lena, lena bao le yago go rapelelana. Ge o le modiradibe, ipolele dibe tša gago. Ge o le mokgelogi, ipolela gore o phošo. Ge o babja, ipolele gore o nyaka go fodišwa, gomme wa re, "Ke a Go dumela, Modimo."

<sup>293</sup> Bjale, Beibele ga se ya ke ya re, "Feela dithapelo tša William Branham di tla dira se." Eupša O rile, "Maswao a a tla latela bona bao ba dumelago. Ge ba bea diatla tša bona go balwetši, ba tla welwa ke maruru." A le dumela seo?

<sup>294</sup> Bjale, ke makga a makae, ke bottelele gakaakang ke bilego le lena, Phoenix? Ye e ka ba mengwaga ye lesomešupa, ke be ke etla mo. A le kile la e bona e netefaditšwe go fošagala nako ye nngwe? A ka mehla go bile feela tlwa ka tsela ye Moya wo Mokgethwa o e boletségo? [Phuthego e re, "Amene."—Mor.] Go kgabola dikete atiša ka dikete, le go kgabola mašabašaba a dinako; ke makga a makae go dikologa lefase, go ditšhaba tšohle, le merafe, maleme, le batho; ke Jesu Kriste, e sego ngwaneno. Gomme ke tsopola Lentšu la Gagwe go lena. "Maswao a a tla latela bona bao ba dumelago. Ge ba bea diatla tša bona go balwetši, ba tla welwa ke maruru."

<sup>295</sup> Bjale bea diatla tša gago godimo ga yo mongwe gomme o ba rapelele. O se ke . . . O se ithapelele wenamong bjale, gobane ba a go rapelela. Wena ba rapelele. Gomme bjale a re inamišeng dihlogo tša rena ka go Bogona bjo bogolo bja Jesu Kriste, Yo a inetefatšago Yenamong go ba magareng ga rena. Bjale, Yena ke Modimo wa lena, go swana le ge A le Modimo wa ka. Bjale rapelang ka tsela ye le dirago ka kerekeng ya lena. Rapelela

motho yola yoo a nago le diatla tša bona go wena. O ba rapelela morago, le go dumela go Modimo.

<sup>296</sup> Ipolele dibe tša gago, e re, “Ke phošo, Morena. Ke bile mmelaedi; nka se sa ba yena gape. Ke a dumela thwi bjale gore O ya go mphodiša.”

<sup>297</sup> “Fodiša motho yo, Morena. Fodiša mosadi yo. Fodiša monna yo. Fodiša mosadi yo. Fodiša lesea. Fodiša mosetsana yo moswa, mošemané yo moswa.”

<sup>298</sup> O Morena Modimo, Mohlodi wa magodimo le lefase, re ka kgona bjang go dula mo, Morena? Se se swanetše go tliša Tumelo ya Tlthatlogo, maatla a Modimo ao a tla swielago batheeletši ba ka moka, Morena, ka bogodimo bja godimodimo, le bja letago la Modimo.

<sup>299</sup> Anke diabolo, yo a bilego le batho ba ba tlenngwe, a ba tlemolle; godimo ga tshe—tshe tshepišo ya Modimo yeo ke dumelago go yona, godimo ga Beibele yeo ke e rutago, godimo ga Modimo Yo a netefatšago gore ke Beibele, yeo e netefatša gore Yena ke Modimo wa Beibele. Ka morago ga mengwaga ye dikete tše pedi, O sa phela magareng ga rena bosegong bjo, o tsogile go tšwa bahung, wa go swana maabane, lehono, le go ya go ile. Godimo ga motheo wa Madi a Gagwe a tšholotšwego, le Sephedi sa Gagwe se se phelago, Bogona, ka morago ga mengwaga ye dikete tše pedi, ke hlohla diabolo ka moyo wohle wa gagwe wa go se kgone wa bolwetši le malwetši, lokolla batho ba, Leineng la Jesu Kriste. Etšwa go bona, gore ba ke ba lokologe. Tlemolla modiradibe yola. Tlemolla mokgelogi yola. Tlemolla monna yola wa go babja goba mosadi. Ke tteleima phodišo ya bona, phološo ya bona, Leineng la Jesu Kriste, Morwa wa Modimo. Ba tlogele, wena wa ditšila, wo mobe, moyo go se hlweke wa go se dumele le go belaela. Tloga go tšwa kerekeng ye, go tšwa go sehlopha se sa batho, Leineng la Jesu Kriste. Amene.

<sup>300</sup> Ke a dumela. Ke a dumela gore thapelo ya tumelo e rapetšwe. Ke nyaka le dire se sengwe bjale. Thwi moo o lego, kokotelela kota fase ka monaganong wa gago, “Thwi fa mo setulong se, bosegong bjo, ge ke eme le go kwa Lentšu, ke bone Modimo a hlatsela Lentšu la Gagwe, go netefatša gore Ke nnete, thapelo ya tumelo e rapetšwe bakeng sa ka. Ge diabolo a ka tsoge a leka go mpotša gape ke a babja, goba e ka ba eng ya phošo, ke ya go mo tliša thwi morago go kota ye. Gonabjale thapelo ya tumelo e rapetšwe bakeng sa ka, gomme ke pholosítšwe go tšwa bolwetšing bja ka. Ke pholosítšwe go tloga dibeng tša ka. Ke nna ngwana wa Modimo, gomme nka se sa hlokomba maaka a diabolo gape. Ke nna mohlanka wa Modimo wa go lokologa.” Amene. A le tla e dira? E reng, “Amene.” [Phuthego e re, “Amene.”—Mor.] Phagamiša seatla sa gago gomme o re, “Ke a e dumela.” [“Ke a e dumela.”] Amene. Amene.

<sup>301</sup> Go nna, seo se a e ruma. Mošomo o dirilwe. Go fedile. Modimo o boletše bjalo, gomme seo se a e netefatša. A ka kgona bjang Yena go dira e ka ba eng gape eupša go hlatsela Lentšu la Gagwe? Ge A ka Le hlatsela go nna, A ka kgona go Le hlatsela bakeng sa gago. A le dumela seo? [Phuthego e re, “Amene.”—Mor.] Go lokile.

<sup>302</sup> A re emeng ka maoto a rena le go Mo tumiša, gona, go Mo fa tumišo yohle le letago. Amene. Go lokile. Letago go Modimo!

<sup>303</sup> Ke a Go leboga, Morena Jesu. Re a Go rata. Re tumiša Wena. Re amogela dilo tše. Re a dumela gore O e direla rena bjale. Wena o Mopholoshi wa rena. Wena o Mofodiši wa rena, gomme re Go ratela yona. A go šegofatšwe Leina la Morena, go ya go ile. Amogela batho ba, Morena, gomme a nke ba be bahlanka ba Gago go tloga bjale go ya pele, ka Leina la Jesu.

Modimo a le šegofatše.



*GO AMOGELA TSELÀ YE E FILWEGO KE  
MODIMO MO NAKONG YA BOFELO NST63-0115*  
(Accepting God's Provided Way At The End Time)

Molaetša wo ka Ngwanešu William Marrion Branham, setlogong o abilwe ka Seisimane ka Labobedi mantšiboa, Janaware 15, 1963, ka Church Of All Nations ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)